


宜春縣志

250.89

38

5



宜春縣志卷四

學校志



昔何武行部必先詣學宮召見諸生視其誦習所以廣教化勵風俗也袁自韓文公倡明道學嗣是守郡者類以造就人材為心而李泰伯州學一記當時稱最風氣蒸蒸日上矣宜為首邑涵濡教澤尤近且易士苟矩矱先哲如盧子發之科名鄭都官之文學袁忠毅之氣節安必古今人不相及乎

府學

文廟唐天寶丙戌五年太守房瑄始立廟于城北袁山門

宜春縣志

卷四

學校

一

外五十步乾元元年刺史鄭審移郡治西四十步大中九年刺史温璠復房瑄之舊南唐保太十年刺史李徵古移于郡治西南三十步宋景德三年州守楊侃奉詔增修講堂自為記慶曆六年州守李訖置州學房錢以贍學徒教授徐正夫記皇祐五年州守祖無擇乃改營州治東二百步即今學所江李觀記京兆章友真篆額河東柳淇書丹世稱三絕

附李觀記

皇帝二十有三年制詔州縣立學惟時守令師苟具文書或連數城亡誦絃聲倡而不和教尼而不行三十有二年范陽祖君無擇知袁州始至進諸生知學宮闕狀大懼人材放失儒效闕疎亡以稱上旨通判穎川陳君侁聞而是之議以克合相舊夫子廟陔隘不

足改爲乃營治之東厥土燥剛厥位面陽厥材孔良殿
堂門廡動壁丹漆舉以法故生師有舍廡廡有次百爾
器備並手借作工善吏勤晨夜致力越明年成舍菜且
有日旰江李觀諗于眾曰惟四代之學考諸經可見已
秦以山西鑿六國欲帝萬世劉氏一呼而關門不守武
夫健將責降恐後何也詩書之道廢人惟見利而不聞
義焉耳孝武乘豐富世祖出戎行皆孳孳學術俗化之
厚延于靈獻草茅危言者折首而不悔功烈震主者聞
命而釋兵羣雄相視不敢去臣位尙數十年教道之結
人心如此今代遭聖神爾袁得賢君俾爾由庠序踐古
人之跡天下治則談禮樂以陶吾民一有不幸猶當仗
大節爲臣死忠爲子死孝使人有所賴且有所法是爲
朝家教學之意若其弄筆墨以微利達而已豈徒二三
子之羞抑亦爲國者之憂至和甲午夏五月甲子記

紹興九年州守陳煥重新張九成記

附張九成記 紹興乙未建安陳侯煥來守宜春下車謁
廡喟然嘆曰夫子之道傳帝王相天地敘彝倫膺戎狄
自天子以下皆師事之顧丹青漫漶楹桷傾弛甚不稱
學校

宜春縣志

卷四

朝廷所以尊崇之意風俗之本教化之端當如是乎迺
命教授劉瑜撤而新之越明年仲春經始而季秋落成
畫繪炳明輪奐高潔儒風之盛甲子江西予出守邵陽
道過其門諸生乃交揖而進曰吾鄉人物載在信史在
漢則有陳重在唐則有盧肇黃頌諸公相繼而出又韓
公振斯文于前今陳公大其事十後願紀厥實以爲不
朽之傳予曰憂患流離學殖荒落不足以副子請既而
教授以書來宜春尉林仰又以書來予再辭而弗獲乃
爲之說曰學乎學乎利祿云乎哉太學乎天下之道自
格物而入夫子不踰矩之道自志學而入蓋一心之所
營卽經綸天下之業也一身之所履卽綏定國家之事
也耳目乃禮樂之原其可以弗正夢寐乃居處之驗其
可以弗思陳侯之爲是舉也豈徒然哉蓋將使此邦之
士不遷怒不貳過如顏子無伐善無施勞如顏子自忠
怨而得夫子之道如曾子自灑掃而得君子之道如子
夏自徐行而得堯舜之道如孟子抑將使此邦之士從
顏子曾子夏孟子數公而知格物之效志學之宗平
天下不踰矩之道學乎學乎果利祿云乎哉諸生其勉
之卜一年
正月日記

純熙五年州守張杓再新之改教堂為明倫堂建藉古閣以藏書改創四齋集善明善思敬克己於明倫堂之側前有池池有

亭曰風雩曰采芹張栻記

附張栻記純熙五年秋八月栻來宜春至之明日州教授李中與州之士合辭來言宜春之學自皇

祐中太守祖無擇實始為之今百有二十五年矣中更兵革廢而復興惟是庫陋弗克稱至于今守乃慨然按尋舊規首開講肄之堂立稽古閣于堂上生師之舍皆撤而新之將告成而君侯適來敢請記以詔多士栻謂不敏則請益堅乃進而告之曰先王所以建學造士之意亦嘗考之乎惟民之生其與有五君臣父子兄弟夫婦朋友是也而其德有四仁義禮智是也人能充其德之所固有以率夫典之所當然則必無力不足之患惟人之不能是也故聖人使之學焉自唐虞以來固莫不以是教矣至于三代之時立教人之所設官以董蒞之而其法亦加詳焉然其所以為教則一道耳故曰學則三代共之皆所以明人倫也嗟乎人倫之在天下不可

宜春縣志 卷四

一日廢廢則國隨之然則有國者之于學其可一日而忽哉皇朝列聖相承留意教養所以望于多士甚厚三代而後言學校之盛未有若此時也然則教于斯學于斯者其可不深考先王建學造士之本意而勉之乎夫四德之在人各具于其性人病不能求之耳求之方載于孔孟之書備有科級惟致其知而後可以有明惟力其行而後可以至孝弟之行始乎闈門而形于鄉黨忠愛之實見于事君而推以澤民是則無負于國家之教養而三代之士風亦不越是而已嗟乎可不勉哉于是書以為記今守名杓實栻之弟也是月庚戌記

慶元間州守江自任高詠之重建殿廡嘉定元年教授虞

達煥築堂于池東曰叢桂進士題名列焉元至治間教授

呂申孫創碑亭于學門之右至元五年路總管張熙祖建

尊經閣於講堂之北虞集記

附虞集記宜春之為郡在江右上游山川完固神氣休明民生其間務本而力穡志定而用約商賈

利欲之誘少都會繁夥之習微尊吏畏法奉命受役歛
焉自保正用不煩昔韓文公以文學為治其民不忘至
今尸而祝之迨時江李氏之作學記有以風勵之及張
宣公記新學朱文公記三賢祠大有以教其人其君子
有以成其德庶民有以從其化休休乎其無斁也然而
世之相去漸已遠矣國朝慎選牧守豈弟之譽相聞前
太守真定張侯宗顏在郡時嚴君仲毅來長其幕作而
言曰國家恩澤至厚也府君甚賢吾民甚易治然而鬼
神禍福之說勝而閭里之趨向易偽豈非學校不修而
教之無其素也乎乃躬督學賦之入時其師弟子執事
者廩稍之給而節其浮冗期年得錢若干將大作學校
之事今太守廣信張侯熙祖寬厚治辨民以甯壹學校
侯職也而所屬諸仲毅者益得盡其心焉乃購巨材于
故家取良斲于遺庖作尊經閣于講堂之北若干步崇
基八尺深四尺廣五尺楹之崇如深之數形勢規
模之大丹雘塗聖稱焉東南學校建立之盛莫或加矣
為兩廡以屬諸講堂之左右作靈星門于廟門之南餘
屋之適用者以次而就自一木一石一工一役備估之
直親給以時不及吏手如治家事盡諸之暇日必至焉
略無風雨之間以其蒞事嚴明是以用約而利周敏成
學校

宜春縣志

卷四

四

而固久足以流美于方來也舊有夫子燕居像奉而置
諸閣移李氏學記石刻置堂中經始于至元之五年歲
在己卯四月至八月而落成予以過客得觀覽焉郡史
以下授簡俾為之記集乃為之言曰美哉乎尊經之名
閣也人之于天也天下之于君也一家之于親也蓋有
恆尊矣上古民純朝作夕息于其所尊無所違矣風氣
既開帝王迭作已不能無不親不遜之憂孔子出于羣
聖之後當時變之極王者之迹熄斯民之禍起生乎其
世者不知天之所與者至貴至重而不可諭也不知君
君臣臣父父子之分不可紊也是以有憂焉而述作
興矣則又因其籍之所存得以行乎治化是以儒先君子
之下因其典籍之所存得以行乎治化是以儒先君子
以功過于堯舜而有罔極之思焉然則天下萬世之子
聖人也書之于經也所由以知尊其所恆尊者也可不
尊乎奈何後之學者誦習文義以為工不真知其可勝
之故異端高遠以為勝而謬于其所尊之實其憂可勝
道哉是學也有諸君子之記言在來游來觀于斯閣者
必有能尊其所當尊者矣豈徒為瑰奇詭異之觀而已
乎

明洪武六年知府劉伯起重修洪熙元年知府周鐸重建

大成殿越五年災宣德八年知府何澄重建祭酒胡儼記

附胡儼記袁州何侯澄過予言曰袁州儒學自唐天寶

史鄭審移於城西宋皇祐中祖無擇來知州事昭廟學

隱隘乃改營於治之東北隅今處也國朝洪武辛亥

郡守劉伯起建尊經閣復置四齋歲久敝壞洪熙改元

郡守周鐸衛使石偉各捐俸新之時四邑官屬咸以其

資來助越五年災僅存者尊經閣廚庫廩食之舍而已

未幾澄忝郡奇釋采之日有歉於中乃議興作於是積

以歲俸勸導士民鳩工聚材運甓輦石作正殿五間殿

有像東西廡各七間廡有主大成門五間門有戟又作

明倫堂五間翼以四齋始於宣德癸丑夏六月成於丁

已冬十月願公記之嗚呼郡守者民之師率其所以為

師率者必有道焉亦曰治教而已治之具存乎人教之

法本乎學我國家法先王稽古制自朝廷以至都邑皆

建學立師豈徒然哉為生徒者宜體朝廷之至意與向

侯之盛心隆師親友亦曰務學而已學之道進德居業

宜春縣志

卷四

也進德者日新居業者無倦日新者必遜志而時敏無
倦者必孺輕而警惰此聖賢之教亦豈出於日用彝倫
之外况袁之為郡土俗愿樸士秀而文將見道德明秀
之士出以鳴世其所造就豈止於昔之盧肇榮一世夸
一鄉也耶予雖衰老尚當拭目何侯字彥澤毗陵人
以朝著出守是邦和易近民豈弟之化聞於遠邇云

天順間知府劉懋以盱江學記兵燹重刻石戟門右成化

間知府常顯復修大常卿吳節記

附吳節記古袁大郡也山水秀麗為江西奧區儒風之

中鄭審改建泮宮士風並盛迨宋楊侃祖無擇張杓江

古亮延于本朝又有劉伯起周鐸何澄諸君子迭守是

邦或修禮殿或造書閣或更門廡增齋舍皆具載誌書

傳之神刻足徵也然年代攸邈廢興相仍成化八年榆

社常公顯以給事近臣奉命守袁下車時首謁先聖廟

庭顧瞻梁棟蠹朽墁瓦脫落廊廡齋廚亦將傾側徘徊

久之慨然以興創為己任乃乘歲稔鳩工市材開拓遺

址盡撤其舊而新之首建大成殿塗以丹漆飾以金碧

次構明倫堂四齋二廡崇倍於昔次廣泮池正其階陸
遷廩舍號房于泮東置神庫神廚牲房于震兌列師儒
之舍於射圃之西以開計者六十有奇皆明觀爽塏稱
止宿焉月百經費之需皆公所自任不煩於民經始於
癸巳季春畢工於甲午之閏夏于是郡教授蔡永偕諸
師儒謀曰公之作新學校功溥而意勤宜有刻文以彰
成績乃具書來徵吾言竊惟學校賢才之本也守宰政
教之先也得其人而作之則風化之行特易易耳今常
公以初政百務所繫乃能留心學校不再期而殿堂齋
廡咸加整飭視唐宋以來諸公有加美焉可謂為時賢
守者矣謹為序其創
構始末刻勒於石

宏治五年知府王俊太加修葺左廟右學宏偉壯麗林瀚
記知府朱華增桂香樓五間同知賈澄增修樂器嘉靖元
年知府劉弼溶泮池尋塞萬曆三年知府鄭慎典復大濬
之護以木石重欄殿廡悉加修葺尙書朱衡記

學校

宜春縣志

卷四

六

附朱衡記 國家建學育才懋興治理自京畿至於天下
化之隆何其盛哉袁州稱文獻郡其人多孝弟力行以
勲業著者後先相望鄭君守是邦興罷利病而尤加意
於風化祇謁先師顧視殿堂廡舍咸傾圯焉乃議鳩工
輪財首撤大成殿而新之至於門廡齋舍庖廡及名宦
鄉賢祠各以序為易腐以堅關隘以做規模宏濶煥然
壯觀矣以萬曆三年八月經始至四年二月落成萬載
徐令一唯宜春曹令信分宜趙令日新萍鄉黃令臺實
相其事僉謂是舉也振前美塞後費不可無紀于是介
諸生請予為記予惟袁州學則李町江嘗記之其言教
道結人心者至悉斐乎其文也予何言雖然我國家建
學之意所以異乎前代者請為諸士誦之太祖高皇帝
龍興之初首詔天下郡縣皆建學而學先朝尊祀夫子
始為士期以聖而標的在是俾諸士曰仰瞻升降如在
其上由之將自知之然其道何居曰明倫爾已故文廟
之後堂以明倫名人之生也其入也必有為之父子長
幼夫婦其出也必有為之君臣朋友合五者而盡乎人
親義序別信之心油然而離乎道道之所著則倫倫之
而離乎倫則未能須臾而離乎道道之所著則倫倫之

所寓即通而散見於事物者皆道之用也孩提愛親及長敬兄見孺子而愧過宗廟而欽此不慮不學生生不巳之機極而至於大成之聖亦不外是夫子傳之曾子故大學述修齊治平之教曾子傳之子思故中庸能盡人物之性極參贊之功至孟子而揭其旨曰三代之學皆所以明人倫人人親其親長其長而天下平斯夫性之大道也而世不知學高者淪於無而不知倫物之即於天地充於萬物散見於三千三百而其歸致則一遠而近至近而遠循乎庸言庸行之常而通於知天知性之微根於不聞不觀之時而入於無聲無臭之至常感常應常應常定此明倫之極功而學之所由名哉今夫梓人學梓輪人學輪必盡輪梓之技而後曰學然則學夫子之道而不盡其道謂之學可乎諸士謁夫子之廟升其堂則思所以入其室求之於子臣弟友之間務盡其分慥慥焉流貫乎事物通極乎性命之原始而士大成而為聖濟濟麟麟道德一而風俗以同是則朝廷設學之意而鄭君之所以懇懇焉者豈其為藉上千世求祿之階也哉鄭君端慤精明身教倡於上諸士當必勃然應之效用一時垂芳後世以為斯學之光則鄭君學校

宜春縣志

卷四

之用心亦將傳誦于無窮云鄭君名慎典字維勅壬戌進士福建侯官人

萬曆三十七年知府汪若冰重修鄒元標記

附鄒元標記 予昔過袁觀其山川秀鬱澤宮宏遠入其軒江一記未至其宮若神遊其庭焉此地後先彪炳未必非軒江一記之力入我明來凡幾修矣邇以年久殿堂齋廡頽圯日甚諸生李靜春袁輝春李素等上狀太守汪公公慨然曰是吾責也復上狀當道諸使君而捐所自贖緩計百有餘緡予是類者起舊者新學宮煥然學博林子若全偕諸生及同寅黃時選等將注使君命謁記于鄒子鄒子惟軒江一文即善為辭者亦多披靡樹元標腐儒其何能為役惟是憶軒江昔所諷諭多士以治與亂衡言欲諸生值亂而死忠死孝陳誼非不甚高或有所激云然予竊謂良師帥訓子弟也如姆母愛其女然然姆母訓其子也居嘗限以重關飾以玉佩即寢則絳結其身既字于人惟告之曰無違夫子及采蘋采蘋諸事而已必未嘗教以截髮割鼻斬指之事蓋父母愛其子也道其常常者天地之常經也萬一事窮時危

蓋出于情之所不容已而勢之莫可如何雖秉大義者時揚權一二以厲世磨鈍然亦非貞軌彰教者所忍言也故上古曰校曰序曰庠總歸於明倫倫有五君子惟道其常以故歌詠有章進退有度錡鎔有方藩籬結何周以密皆所以興其志意束其筋骨鎔其躁心歸于中和內而修身繕性由家而鄉而國而天下斯學之實也夫以節自見歷世而不覩一焉顧近世之所以為學者平日視澤官為贅疣足終年不一至號穎敏者多括据以博青紫既得青紫矚前語如芻狗不知生平所期許者謂何間有知吾之所業者徒為利祿計視古人明德新民之旨未萬分之一欲竊有志焉則又從而訕笑之而古人之學曰荒袁代有聞人無華麗以蕩心娛志其之于道也直反掌耳學而聞道則不虛生不虛生必不虛死臨難而不可奪乃餘事耳多士勗之哉刺史以學為政欲元標一言其志欲復古不汲汲簿書期會間可知元標言得無有概萬分一乎若謂與盱江言稍殊指以元標有怯志則吾不知矣汪公名若冰以南京民部郎出守粵富川人同知金公名錫周臨海人通判李公名鳳毛大倉人推官王公名隆德桐鄉人宜春知縣劉名汝芳宣城人咸樂相其成例得並書

宜春縣志

卷四

學校

八

萬曆四十六年知府黃鳴喬修崇正十二年知府解經達重修 國朝順治中知府吳南岱推官王延禔提學趙函一先後新之康熙五年明倫堂圯守道施閏章知府李芳春重建郡人袁繼梓記

附袁繼梓記

聞天下之治亂由人心邪正人心邪正由

曰君子以教思無窮容保民無疆學記曰建國君民教學為先是士與民教與養一致也袁庠始唐天寶五年太守房公瑄立學宮建文宣王廟於城北門外至肅宗乾元元年刺史鄭公審移城內郡治西南唐保太十年刺史李徵古又移於郡治西南宋真宗景德三年詔諸郡於廟中起講堂聚學徒選儒雅可為人師者教焉仁宗皇祐五年知州事祖公無擇以舊址陝隘乃改營於州治東二百步今學是也學成盱江李泰伯為記神宗熙豐間館閣第天下學記以袁州學記為首故文獨傳孝宗淳熙五年知州事張公杓又新之更講堂為明倫

堂宏治壬子郡守王公俊以舊學在廟後隘弗研乃大
燥度之為左廟右學此建置沿革之大較也世遠代殊
其間修廢舉墜者固自不乏要未有勤思教化之所出
人材之所聚以實心行實政如我郡侯李公者也公
以康熙癸卯冬奉簡書視袁下車之日睹袁之城池學
校堂皇麗譙百廢未修不勝悵然曰郡守民之師帥也
坐視其荒缺而莫之補救其奚以教而奚以率乎爰是
加意維新與民更始又不欲費民間一絲一粟故一年
而郡治及鼓樓新而數政有其地一年而文廟修昌黎
書院復而立教有其基乃自丙午夏郡學以全圮告蓋
前此以積朽之材間有修葺不過苟且畢事故地適與
時會公聞之疚甚爰數行按視經度周悉遂捐俸指置
為之倡而檄前學授伍公董其事凡庀材選工必躬
必親由是明倫堂不日成之矣故棟宇椽桷之必嚴
甃軒做實實校枚俾諸士之趨瞻考業於中者咸觀宗
廟之美百官之富猗歟都哉可大可久如我公之茶衷
卹下匠心造士而有猷就緒若是者不其難哉茲者豫
甯胡公文衡來授郡士於前此護屬之未竟與今茲講
課之務勤者又靡不仰承德意焉乃以貞珉事求言于
學校

宜春縣志

卷四

九

予予父子兄弟俱軼發自庠者昔荷先聖之式憲今睹
我公之嘉賴可無勉應以志永思乎昔文公之刺我袁
也以元和十四年六月有慶雲見於州之西北進圖表
賀豈非以文教之身起乎八代者應在一方歟故于刺
潮時出俸舉本收贏餘以給學生廚饌一時人材磨奮
多所成就是又與拜祭酒一解俱為有開必先者也今
我公以豈弟作人之悃敷雲漢為章之治知為國得八
而名重金甌將商皇多士與霖雨蒼生不相因而一致
乎吾願多士之息游其中者飭躬勵行高會忠孝之策
必有如盧學士之特達於李衛公之知遇者矣則以袁
為韓李棠封
也不信然哉

雍正間教授湯大坊建講堂黃在中記

附黃在中記 講堂助自青齊予嘗過臨淄西郊基柱尚
魯登闕里之堂三千七十之徒郁郁彬彬皆有聖人之
一體齊魯壤相接學者雖未盡遊聖人之門而遺澤所
漸文章辭說極千古巨觀也厥後伯起三鱣盛於關西
康成儒林名於北海皆以講道論學聚四方英賢續千

聖統緒次則昭明為藏書之府文定開卒業之區以至
華陽石室文翁創建嗣太守增修用廣其制所以啟迪
後人厥惠無疆國家重道崇儒郡邑無不設之學興
賢育士鄉黨無不學之人廩餼以優之廉恥以厲之課試
以稽之而又慎選師臣擇文行兼優之士使司鐸而豫
導之焉凡膺斯職者固宜宏菁莪棧樸之化申鹿洞鸞
湖之規由文章而性道自美大而神聖非徒講論已也
吾郡學基在府治東祭祀有典大成有殿先賢先儒有
廡名宦鄉賢有祠師長有署諸生肄業有齋明倫有堂
藏經書有閣宮廟巍然皆有可觀惟講堂缺焉雍正七
年春同譜湯君松舍以名進士除掌郡學教先是居是
官者類視為冷署又皆老且貧於舍宇略不加意日侵
月削傾頽殆盡至是葦莽塞途瓦礫盈庭數椽僅存不
蔽風雨湯君曰嘻吾既以振起為己任斯獨非吾事乎
爰解雪囊為諸生倡躬親董率構講堂數楹於明倫堂
西北即掌教公廨後空地也既成日與及門課文其中
更為之講求聖賢致知力行之方修己治人之術與古
今興衰治亂之跡倫紀綱常之大禮樂制度之詳草木
鳥獸之蕃以端士品而廣學者之識力又曰茲堂之設
予固與君等共之更望後之擁臯比於茲任者日招諸
學校

宜春縣志 卷四

生登斯堂而訓誨不倦也歲甲寅君以憂去諸生走相
告願少留既而弗果則相謂曰先生之曲成吾濟也至
吾儕之佩服先生也深薪木猶戒毀傷矧茲堂吾儕日
夕所共講習者可勿誌其盛事以傳知後之繼先生志
廣先生業者此其權輿也予既嘉湯君創始之功又多
諸君子相與有成庶幾三鱣儒林不專美於前而吾郡
文學之盛於齊魯無多讓焉爰為之敘其巔末俾壽諸
石以垂不朽其基址間架材木工程另冊具載茲弗及
君姓湯名大坊號松舍建昌府南豐縣
人雍正丁未進士改授袁州府學教授

乾隆二年知府程文華率四縣倡捐改建魏煥有加提學

趙大鯨記

附趙大鯨記 袁州古宜春郡也仰山峙其前秀江環其
自嶺南移守於此教化既洽州民交口頌之其後宋祖
無擇知州事寬刑禁尚文學悉奉昌黎為法於府治之
左改建學宮俾道子肄業東西舍袁之有學所自始也
我朝康熙六年前太守李芳春嘗葺而新之閱年漸

久日即傾圮乾隆丁未之秋長安程君來守是邦視
文廟周視內外謂僚佐曰學校者教化之本予承乏茲
土而綱繆無策將何以仰副 聖天子與賢育材至
意乃捐工費銀一千七百兩有奇自乾隆四年二月鳩工
後得工費銀一千七百兩有奇自乾隆四年二月鳩工
至本年十月告竣太守曰聖道如重奧然升其堂者觀
感係焉非宮牆不足昭崇峻也為之修葺兩廡及靈星門儀
舉非戶舍無以資游息也為之修葺兩廡及靈星門儀
門之屬如兩齋舊制且小大從公詩不云乎泮池則鑿
而加深園橋則闢而加廣遊於學者庶幾禮門義路之
不遠矣向無崇聖殿規模未備爰創建於大成殿之後
祭器樂器之有庫鄉賢名宦之有祠次第興作無不整
瞻予承 命視學江西常懼墮越每當事有能興復
舊制扶掖人才者聞而深喜焉若太守非卓卓可稱述
者乎歐陽公曰政治之盛衰視乎學校之興廢今太守
率是意而行之誠漸以歲月俾人人含醅味道詠誦聖
渾於以見 國家久道化成馴至唐虞三代之盛然後
歸厥休美知教化之有自而學校之所係匪淺鮮也不
綦幸哉 是為記

學校

宜春縣志

卷四

十一

乾隆十八年知府楊暹修二十四年知府陳廷枚重修嘉
慶四年萍鄉文守元等倡郡人移建明倫堂於左堂前右
為教授署左為訓導署前為書斗房為儀門頭門鄭鵬程

記

附鄭鵬程記

方今

文治光昭垂百有六十餘年從

紳矜耆士莫不崇道敬教以時致力以赴聖化袁州郡
學建於宋祖無擇厥後繼事具載郡乘嘉慶十四年大
成殿歲久滲漏勢將傾圮鵬程朔望赴學循視惕然亟
謀修葺乃集都人士而告之眾心僉同咸以改造為請
遂相其陰陽正位辨方經之營之卜云允臧因移明倫
堂於東即其地而恢之改建大成殿梁棟栌椽門泮池
砌一取新物四阿殿楹易木以石左右兩廡戟門泮池
以及兩學官署次第具舉十五年七月告成仲秋上丁
奉安聖座鵬程率僚屬謹執事敬循定儀行釋奠禮
視几筵仰瞻懷楨美哉煥乎於是司事請為文以誌鵬

程曰昔朱子將記萍鄉縣學見劉清之文遂不復作李
泰伯袁州學記當時推為諸路第一又有三絕之稱鵬
程處士又以鄉為偏李為正蓋聖道宏富學者隨取一端
皆足發明垂訓譬諸百川派別悉匯滄溟九軌分塗共
趨城闕一而已矣則鵬程今日亦有可以正告者夫道
若大路豈難知哉庸言庸行自邇自卑述聖亞聖夫豈
人欺始自蒙養實為聖功格致誠正去私存公修齊治
平道以大同是故能性其情情乃不偏能子其民民用
常親帖括詞章何關性命要惟知道者能為之亦惟知
道者能正之爵賞榮祿馭世大謨要惟有道者可以不
讓亦惟有道者可以不誣入學鼓篋宵雅肄三獎勸引
於漸漬沈澁必謂虛車是北轍而南也必矜捷步是脫
轆而驂也烏乎可哉學者誠預養此以為之本而又隨
事順理精察而力行之出言有章吐辭為經處則為大
儒出則為名卿體具用周濟濟彬彬庶無負 國家立
學作人盛美之至意而諸君子今日所致力者非有所
為而為亦必有不斲至而至者蓋至聖在天之靈實臨
質之矣鵬程非知道者自束髮受書誦習已久於心終
不忘耳敬述為諸生勗焉卒事既退因書之以為記嘉
學校

宜春縣志

卷四

三

慶庚午仲秋朔

咸豐元年知府沈兆溶督同儒學飭令各縣紳民共捐銀
二萬二千一百兩錢四千三百一十八千八百七十文
丙李棟捐錢二千一百有奇例應獎敘鹽運司知事職
銜堅辭不受李華林捐錢一百串撫憲張獎給好義可
風匾 于本年十月興工分別添建修復生員費震海等
董其役二年署府事元善抵任三年二月落成

聖祖仁皇帝康熙二十三年頒立萬世師表額於

大成殿三十八年

詔各學製樂器三十九年

御製至聖先師贊四賢贊頒學勒石

世宗憲皇帝雍正元年首

命追封孔子五代王爵改啟聖祠為崇聖祠

命名省學宮建忠義孝弟祠於學宮之外二年

命增定從祀先賢先儒復林放蘧瑗秦冉顏何鄭康成范甯增

縣直牧子皮樂子公都子萬章公孫丑諸葛亮尹焞魏了

翁黃幹陳淳何基王柏趙復金履祥許謙陳澹羅欽順蔡

清陸隴其增張迪入崇聖祠增仲弓伯牛子張有若四家

博士四年

御書生民未有匾額懸各學五年

上諭直省內外逢

宜春縣志

卷四

學校

十三

先師誕辰齋戒

命諱孔子名加卍為邱

高宗純皇帝乾隆元年升有子若於十哲之次位朱子上以元

吳澄從祀四年

御書與天地參匾額頌懸各學

仁宗睿皇帝嘉慶四年

御書聖集大成匾額頌懸各學

宣宗成皇帝道光元年

御書聖協時中匾額頌懸各學二年

詔以明儒劉宗周從祀三年以本朝湯斌從祀五年以明儒

黃道周從祀六年以唐儒陸贄明儒呂坤從祀八年以明儒孫奇逢從祀二十年以本朝陶澍從祀名宦祠二十三年以宋儒文天祥從祀二十九年以宋儒謝良佐從祀

文宗顯皇帝咸豐元年

詔以宋儒李綱從祀二年以宋儒韓琦從祀三年

御書德齊疇載匾額頒懸各學以先賢公明儀從祀七年以先賢公孫僑從祀以先賢孟皮配享崇聖祠九年以宋儒陸

秀夫從祀十年以明儒曹端從祀同治元年

御書神聖天縱匾額頒懸各學二年以漢儒毛亨明儒方孝

儒呂枏從祀四年以本朝張芾崇祀名宦祠六年以宋

宜春縣志

卷四

學校

古

儒楊萬里崇祀鄉賢祠七年以宋儒袁燮從祀

崇聖祠在大成殿後

名宦祠在戟門左祀唐房琯李將順韓愈李揆李德裕南唐劉仁贍宋祖無擇徐師閔陳瓘鄒浩張栻元孫思遠明朱守仁王俊凌汝志向欽王猷蔣應震黃鳴喬王相說國朝蔣毓英白璜高璜胡希聖馬光遠楊聲遠陶澍張芾

鄉賢祠在戟門右祀漢陳重袁京唐盧肇鄭谷廖洪宋彭義高琬李香宋希堯袁業泗彭士達彭鳳楊萬里彭大科袁繼成趙廖禹國朝陳之龍

明倫堂舊在文廟右嘉慶四年移建於左

土地祠在文廟右

文昌閣在明倫堂左

文昌閣在明倫堂左

魁星閣 道光八年三月大風二閣俱被摧折宜春監

附曹夢鶴記 黃潤則天下安蓋文明之象也後世肖像

祀之而處之以閣尊天神也而魁星閣亦建焉我 國

家文思代盛二閣列在祀典嘉慶六年特 詔天下

建文昌閣一切典祀與武廟配而魁之祀如故袁州一

郡有官又有閣然宮則宜春私之閣則四邑公之自奉

詔以來每歲春秋二仲闔屬文武修祀典其間罔不飭

其不日官而曰閣從其朔也道光八年三月大風折屋

閣瓦全飄檣桷杗柱岌岌不可終日當事者憂之以為

將無以展禮儀昭文明也然當是時大役屢興又汙遭

風水之災公私旁午欲時紳舉贏逾年無應者國子生

鍾秀峯先生宜邑之好義士也上歲曾捐修宜春學宮

茲復取而身任之予與副齋吳公為之請于郡伯趙遂

涓吉興工經始于八年五月閱五月而告成于文昌閣

則撤其舊而新之加崇宏焉而魁星閣亦修葺一新計

費緡錢共一千四百串有奇于是展祀有地觀瞻亦肅

過之者以為譙樓宜春臺東西爭峙矣夫閣之初建志

書未詳前于乾隆年間郡伯陳公蘭森倡修大約皆四

宜春縣志

卷四

五

邑公舉今鍾氏不呼將伯以一身任其勞捐其貲無少
吝可不為難哉然鍾氏為闔郡計文明修學官又修二
閣而其子學成遂於次年入泮為弟子員諸孫亦英露
俊爽說者以為默默者有以佑之似非無因而四邑之
文運從此蒸蒸日上又不卜而可知者矣予郡學師也
聽事與二閣最近親見未修之前如彼既修之後若此
遂不禁奮筆疾書而為之記

尊經閣 原係藏書之所現奉頒發書籍 欽定易詩書

書一部 欽定性理一部 欽定三禮義疏一部 日講四

欽定授時通考一部 御批資治通鑑綱目一部

明史一部 上諭二部 學政全書二部 以上四縣學

射圃 在土地祠前

祭器庫 木祝版連架二座 磁登一箇 磁彝二個 磁
鼎十六箇 磁毛血碟十六箇 毛血銅盆二箇

宜春縣志

卷四

七

頌適至美哉輪焉美哉奐焉禮樂備而文治光願請一言以紀其盛予謂袁郡自宋李泰伯作學記教忠教孝剴切詳明而士習文風於今為盛恭逢聖天子誕敷文教迺適古昔崇實學黜浮華四海蒸蒸然人文蔚起而禮樂陶淑宣布聖德以造就人才者則予與各有司之責也予嘉程君之殫心學校文廟鼎新而觀瞻肅穆禮樂大備而教化日隆將見懋德懋才日新月盛為邦家光者正未有艾予於袁郡實有厚望也於是乎書附黃河清復郡伯定祭器書

日晉謂承憲臺面諭以違式委卑職考定舊制先自捐俸將正壇祭器置備再及其餘此誠憲臺制體國家尊師重道之盛心也斯事重大本非末學下吏所能稱塞要不敢不竭其愚以備採擇查秦尚書五禮通考載明會典陳設條云正壇犢一豕一羊一登一釂二邊豆各十簋簋各二帛一而或化十三年增樂舞為八佾邊豆增為十二此目前春秋釋奠器數之大概也近日楓江萬氏律例圖說於至聖先師神位下陳設云牛一羊一豕一釂一白磁爵三登一釂一簋簋各二邊豆各十酒尊一茲蓋遵大清會典所定者卑職謹加詳參所謂正壇即至聖先

師位也牛與羊豕皆薦以俎是俎有三矣禮明堂位周以房俎鄭註房謂足下跗上下兩間有似於堂房蓋以木為之登瓦豆也木豆薦醢苽瓦豆薦大羹宋史禮樂志登如釂數則今制登釂並一較前代登一釂二獨為得宜釂說文謂木作然亦有瓦者邊竹器豆木器並面徑尺容四升通蓋高一尺邊豆之數前代雖加至十二要當從今制用十為宜簋簋註疏謂簋外方而內圓簋也近東原戴氏考工記補註又云方曰簋圓曰簠簠器也近東原戴氏考工記補註又云方曰簋圓曰簠簠氏為近簋簠并容一斗二升舊皆以木為之而考工豆簋皆職在旅人則又以瓦矣各二之數與前代同至以盛膳饗賓若所傳周邦父簋太師望簋其制各別未可例論乾隆二十五年蕭山陳郡伯修府志於學校門具載祭器庫除竹邊木豆外餘并用磁亦不可概謂其不合於古然陶器脆薄易毀加以典守者不虔遂至殘缺酌古宜今是在憲臺裁定至於四配之釂一簋簋各二邊豆各八十二哲之簋簋各一邊豆各四正壇既復其舊他可次第舉之若夫禮樂相輔所為舞佾歌詩以極尊崇而可

昭盛典者陳志樂器庫簿錄具存而其破
缺視祭器尤甚卑職猶不勝區區之望焉

學基

東抵甘棠坊三十步西抵疏泉坊三十步南抵崇儒坊北
抵永積庫周圍三百九十步明萬曆間知府鄭愐典查復

載嘉靖舊志

附周國瑛府學署西偏潘易二姓捐地記學署西偏形勢尖削後拓

地東西闊二丈南北長二丈七尺宜春邑庠生潘君可
久兄弟郡文學易君時若暨弟附貢生璘采所捐也乾
隆四十八年前任教授樸齋紀公治署以鄰好勸捐此
地因闢書齋為宴息見賓之所且作記以誌其由予於
嘉慶十三年八月抵任就中圖書字畫稍稍點綴暇則
與客子倚窗趁涼意甚樂之嘉慶十四年秋改建大成
殿此地為西廡署遷而齋遂廢矣然齋可廢而潘易二
姓優崇學校之美不可沒紀公樸齋作記之意不可忘
學校

宜春縣志

卷四

七

也爰記其粗略而勒諸石

學田

府學故無田明萬曆三十七年知府汪若冰買民田三十
九畝地名萱溪額租六百餘桶除納糧外餘入學課士公
用袁業泗記現今歲折租銀二十四兩

附袁業泗新置學田碑記今皇帝在宥之三十七年郡

而粟溫而敬擾而毅簡而廉九德咸備吏民畏懷諸媿
政弗能殫述獨置學田一事勵人心維士風關係久遠
豈容無言以紀不朽竊惟朝廷廣厲學宮給以廩佐以
膳規制亦云備矣而學田之設尤當事者所宜周思曲
慮嘉惠無窮也我汪侯政先教化毅然以興起斯文為
己任獎恬靜退陽矯日有會月有課親臨校閱割俸給
賞大造我袁士亦既渥矣猶以為國家尊賢養士原期
食報於他年有司為國儲材豈僅作新於一日不可不

置田以成遠圖遂捐金七十餘兩得腴田於高壩屬家
坪處歲租七百二十二俾諸弟子員永永藉藉焉又慮
往時學田出入一秉學使文移簿書往來勾校究之士
未沾升斗反為學擾俟曰吾設田獵虛名耶悅當道耶
將令間閣下士飲食我卵翼我庶一日有學則一口有
吾澤在故田設而上不請租入而官無與收支惟學豐
儉惟學一切賑貧弔乏惟學厚諸生以實而勿擾諸生
以名嗟乎士固有志不振則不厲士固有志不養則不
厚二三子亦知注侯設田之意乎修禮以耕陳義以種
講學以釋本仁以聚咀其華沃其根晬晬有徵四體充
盈身之肥也嘉謀嘉猷我后賴之大法小廉百辟式之國
家之肥也或司封疆或領中原邊鄙安瀾黔黎輟睦天下
之肥也則我注侯今日學田之設毋乃欲二三子肥其
身以肥國家天下乎不然而徒希心於利達滿志於溫
飽使下士大笑之而亦甚非我注侯建國雅意矣夫天
下靡學無記海內奉為書龜總之忠孝兩言耳今注侯
平明之政不減於祖君而修學設田之旨遠振夫忠孝
此異代而同符曠世而一轍者也二三子亦悚然於中
百耶是用書其基址稅畝租利俾後之君子清而理之

宜春縣志

卷四

九

勤而撫之毋忘當時之首事者侯諱若冰富田人丞金
諱錫周臨海人倅李諱鳳毛大倉人司理王諱隆德桐
鄉人同心協濟例得並書
田地各高坵周家坪等處載稅三十九畝有奇歲租七
百二十二桶莊屋一棟二厝每年
止納學租一應縣差里役俱免

四十四年守道鄔鳴雷買民田五十八畝地名雙演額租
千餘桶現今歲收租六百二十桶府學收三分之一以為
師生膏火其一歸宜春學監碑府學戟門外又地名新居
塘田四十五畝每年除佃人扣租納糧外改折租銀十三
兩與宜春學均收以膳膏火外學山一所名橫樞山乾隆
二十三年知縣郭人傑勸清歸學詳府存案

府志

縣學

文廟舊在城東門外宋純熙間州守張杓與縣令柯春卿
遷建袁山門外乃盧肇故居也創大成殿設講堂曰闈
即今址開禧元年縣令司馬邁創四齋居仁由義
近思篤志嘉定三
年縣令姜光重修林壠八年縣令王洙重修築盧公墨沼
亭殿後復有亭曰詠歸元季兵燬明洪武七年知府劉伯
起知縣孫士敏重建明倫堂及兩齋正統七年知府姚文
建敦教堂張益記正德十年知府徐璉建堂齋廡舍外門
壘石堤江築興賢樓自為記嘉靖二十八年知縣徐斌建
藏書閣築射圃建亭萬曆四年知縣曹信重修易可
久記崇正
十年寇燬十五年知縣朱茂暉修葺未備尋遇兵燹

宜春縣志

卷四

學校

三

國朝順治十年教諭范謨申請修復康熙六年守道施閏
章知府李芳春同知夏毓龍教諭金玉書捐貲重修知縣
陸柄謙記

附陸柄謙記

宜春為江袁首邑舊學蓋屬諸郡自宋清
熙間太守張公杓始與邑令柯春卿議建

置袁山門外即今地也相傳為唐狀元集賢學士盧公
肇故居歷宋元明代有名諸載在郡乘班班可考明正
德乙亥太守徐公璉嘗因諸生請數按其地特為修舉
始正方向壘石壘江建聖殿立明倫堂並東西二齋分
豎學官三舍於殿東改靈星門建興賢樓育才坊黌宮
粲然一新明年丙子庠生郭鵬即獲解元遷自後科第
岬聯名鉅武接允稱人文奧區矣然望廟學官多歷年
所風雨之所剝蝕兵戎之所蹂踐間有補苴不足當其
萬一追明末且將百十餘載而寒樞古瓦鞠為茂草枯
木夕陽行路興嘆國朝崇文重道數
邑重興學宮順治丙申學諭范謨上狀郡邑始構明倫
堂修文廟然工用浩繁未能興復如舊柄謙自到官祇

謁聖廟及朔望春秋釋奠瞻禮率往來野蔓滿痕中無
駐足處心愆然憂之圖所以重修未逮也會金學諭王
書新任茲地目擊心疾急陳其狀於我郡太守李公公
素以文教為己任聞之始刻不能緩矣即檄行柄謙與
學博先期經度計需木石墁瓦若干費梓者巧者傭者
若干人經報可規畫在胸乃與郡司馬夏公首捐清俸
多方拮据諏吉鳩工又適值郡內興復多不得已之役
公為酌量緩急大約以文廟為兢兢而柄謙與學博亦
惟奉行鼓舞仰承苦心激其樂事於是未朞月而聖殿
峩峩嚴正鞏密如跂如矢如鳥革暈飛神得其栖人愜
於禮諸如廊廡倫堂以次修飭而講肄有地游息有資
文敘蒸蒸蔚起矣始自戊申之春成於己酉之夏工竣
學博介諸生求公一言為之記公以屬柄謙則又何敢
辭謹銓次重興始末冀以告後之君子留心龜勉焉則
張廣漢徐真定兩君子不得擅美於前而公之學道愛
人微猷盛績暨夏公之一德同心有口碑傳之永永者
矣至其地遠而春臺近臨秀水西橫畫舫東峙盧洲旁
有墨池石筍之勝將來科名文章當甲七十二州邑有
徐公記在柄謙拭目望之學博與諸
生無忘我公並夏公今日可也

學校

宜春縣志

卷四

康熙十三年寇變屯軍蹂躪二十九年署縣丞王緯臣重

修四十三年知縣江為龍再修增製祭器如數

附江為龍重修縣儒學碑

政莫先於教教莫大於學學也者所以尊王道而育人材

由郡縣以達朝廷胥為興賢崇化之基焉令敢怠厥事
哉宜春學舊屬諸郡創自房瑄邑無專學宋濬熙間令
柯春卿始議建置袁山門外其地傳為唐盧肇故居襟
帶江流山川盤鬱靈氣所鍾人文因之以振宋元以來
時修時圯明正德間太守胡公璉特為修舉正方定向
曼石障江殿堂廊廡規模大備至今百年來未有新之
者無復舊觀矣余承乏茲土祇謁瞻禮周矚庭廡多蕪
漫弗治心焉慮之於是計工度費先其大者次第舉之
戟門兩廡及名宦鄉賢之祠鐘簷邊豆之器舉類易敝
黜聖塗丹由是漸增舊規勉告成事爰進諸生詔之日
士知學之所以重乎學者教之始政之所由成也諸生
誦法孔子歌詠先王履仁蹈義敦詩書而習禮樂皆上
所以養之期其學之成出而施諸政也生有為之時居
可造之地深之以實學將進而幾於道可以淑身淑世

繼聖賢之絕學非徒博科名而謀利祿也今天子
建學立師養士之法遠軼三代可謂世際休明矣宜雖
藁爾邑前賢如袁京盧肇諸公節行文章焜耀千古芳
躅可追地靈終未歇也予忝蒞教化之任諸生其毋負
此學共勉副 聖朝之教則斯學之成長
吏亦藉得為政之本焉因記而勒諸石云

康熙四十五年教諭劉準訓導胡之麟倡修河岸豎立盧

石移出盧肇家舊存石獅雍正元年署知縣施昭庭七年

知縣許松信先後重修乾隆十三年知縣楊元生倡修並

建名宦鄉賢祠十三年知縣孔傳大教諭周宏勳訓導黃

美重建三十二年署知府盧崧教諭徐澄訓導楊遇亨督

紳士重修五十三年至五十五年合邑士民捐貲改建以

教諭署移明倫堂之左訓導署移高士祠之右即今制知

宜春縣志

卷四

學校

三

府林其宴記嘉慶二十一年袁朝儀兄弟捐貲重修大成

殿徐樂山記

附徐樂山記

大成殿者蓋祀至聖先師孔子于其中所

廟百官之美富爭自濯磨以承羣聖之統而維道化於
勿替者也歲辛未予來宰宜邑得考宜之聖殿由州守
張杓縣令柯春卿建於北關外始厥後舉墜修廢非動
帑財則皆斂貲以共勦厥事往歲之春風雨頽壤予復
欲聚合邑紳士謀鼎新之適有邑北州司馬袁君崧因
其子遞入鬻門遊此見之深惜有志獨任而未敢遽言
迺先以紅呈稟予予嘉乃志上稟郡守隆公守遂擊節
嘆賞欣允其事謂足免紳士之煩袁君乃令其子朝儀
等鳩工庀材于嘉慶乙亥興工越丙子仲夏告成六月
吉蠲予從郡守隆公偕兩學師統率紳士等奉夫子主
入廟行禮袁君亦率諸子衣冠晉拜此時金聲玉振則
大成之樂也釋奠侑受則大成之禮也禮畢成長揖稱
嘆此袁君之盛舉費出不貲者也袁君謝曰非敢白述
道在宜然也予於此知宜之文人學士必有砥節礪行

蒸蒸日上而袁君之子若孫亦必有騰達振起者遞出而祿于後也今皇上以聖繼聖欽崇道學有加無已而作人之化遠逾隆古故自都城及各省府州邑學無不共崇聖殿牌祀維殷而宜邑尤喜有獨力能友者太守因以記屬予予嘉其好義而實為重道急公之大舉于是乎書

道光六年大水大成殿後牆右角及道德門魁星閣鬢牆土地祠等俱被冲塌七年庠生袁朝倅兄弟捐貲修葺後牆右角及魁星閣監生鍾毓川獨力捐貲修理道德門明倫堂兩化堂兩廡三閣鄉賢名宦忠義節孝諸祠知府趙璠記道光二十九年訓導汪元祥捐廉二百餘串監生易禹化捐錢五百餘串修訓導署咸豐三年生員費震海等將修府學餘存捐項銀續修並添補祭器樂器咸豐六年

宜春縣志

卷四

學校

三

髮逆毀明倫堂土地祠火訓導署九年知縣何同文教諭杜鴻章訓導龔世堅率合邑紳民捐貲修復兩廡文昌閣狀元閣訓導署並補修正齋同治七年修秀江礮餘貲重修明倫堂土地祠輪奐之美一如舊觀

附趙璠記 余服官由吳楚而江右數十稔矣所蒞通都錫其類則有東西兩廡統名之曰學宮亦古者闕宮泮宮之遺意也他若文昌宮明倫堂暨學師講學燕息之所所謂宗廟之美百官之富皆入門而得見者去歲奉簡命實授袁州知府朔望詣郡學行禮而宜春為附郭首邑學宮亦以時至仰瞻棖槐巍然煥然令人敬深嘆都人士追崇先聖罔敢不敬固宜士氣奮揚人文蔚起為一郡四邑之弁冕也丙戌六月二十七日陽侯為虐城不沒者三版北關一帶民房漂沒過半學宮牆宇盡行冲塌惟大成殿地勢頗高規模猶存兩學師賴以免說者以為先聖之靈天吳退避秋祭文廟大成殿僅

可展禮其祠廡各祀草草卒事觀者戚焉然當是時况
災力淡瘡痍未復諸紳耆倡議興修文廟大成殿外柱
礎墻贊稍損塌者袁氏以仍舊貫者首獨任之而其餘
各工莫有應者即地方有司亦以時維舉羸雖有有力
而好義者亦不便以通邑之事強一人一家為之情也
亦勢也國子生鍾邑之好義士也慨然曰是誠在我於
是告諸有司諷吉鳩工經始于是年八月未匝歲而告
成祠廡規制如舊而宏整有加兩學師得返故居修時
祀課生徒焉統計得閣者三文昌閣尊經閣與狀元閣
是也為堂者二明倫堂兩化堂是也為祠者八崇聖各
宦鄉賢孝子忠義高士節孝與土地祠是也神有主有
像室有題門有額堵有砌壁有墜椽楹有黝有丹贊而
平之者有塗周而繞之者有墻墻之高連下脚以尺計
者三丈圍以弓計者二百有奇凡墻之內廟以外皆鍾
氏一人修也木石用計費緡錢八千二百有奇事既成
能一城文武而落之余為諭於眾曰是役也微鍾氏有
如此之速者乎曰不能也夫以無有之事兼不能為之
勢然則微鍾氏此事至今有待矣遷延簡陋將何以昌
文教展祀儀豈地方紳耆之恥揆諸先聖在天之靈得

宜春縣志

卷四

十四

無有蹙然不安者乎今鍾氏不呼將伯不厭紛劇卒諸
工於數月之間緡鄉里之力貸有司之憂雖聖人復起
亦宜心遜既又建市屋數間將課僦值為歲修資謀久
遠焉然則鍾氏之思深慮密又可知矣余宦遊半天下
所遇有力而好義如鍾氏者蓋寡行將振其事聞於上
而先為序其巖末次其日月俾付貞珉以為袁州士民
勸非阿好也捐修者東外廂九甲世居西關外監生鍾
毓川率其子學易學成襄其事者族弟監生毓華毓英
文燧職員文煌皆始
終其事合并書之

東配二位 主高一尺五寸 濶三寸二分

復聖顏子 名回字子淵 魯人邦國後

述聖子思子 名伋字 子思

先賢孟皮

西配二位

宗聖曾子 名參字子輿魯武城人御國後

亞聖孟子 名軻字子輿鄒人魯公族孟孫氏後

東哲六位 主高一尺四寸闊二寸六分厚五分 歷高二寸六分長四寸厚二寸廡同

先賢閔子 名損字子騫魯人

先賢冉子 名雍字仲弓魯人伯牛之族

先賢端木子 名賜字子貢衛人

先賢仲子 名由字子路魯之卞人

先賢卜子 名商字子夏衛人

先賢有子 史記字子若家語字子有魯人舊在東廡七位 乾隆三年從徐元夢請申殿內東傍卜子下移

朱子熹於西傍顧孫子下

宜春縣志 卷四

學校

畫

西哲六位

先賢冉子 名耕字伯牛魯人

先賢宰子 名弓字子我魯人

先賢冉子 名求字子有仲弓之族

先賢言子 名偃字子游吳人

先賢顓孫子 名師字子張

先賢朱子 名熹字元晦號晦庵婺源人謚文康熙五十二年升列東哲乾隆三年改列西

東廡先賢

先賢公孫僑 字子產

先賢蘧瑗 字伯玉

先賢澹臺滅明字子羽魯武城人

先賢原憲字子思魯人

先賢南宮适字子容一作緇孟懿子之兄

先賢商瞿字子木魯人

先賢漆雕開字子若一作憑字子開蔡人鄭元云魯人

先賢司馬耕字伯牛宋人家語作司馬犁耕

先賢梁鱣字子魚史記註作鯉字叔魚魯人

先賢冉儒字子魯家語云字子魚魯人

先賢伯虔家語作楷一作子析弟子解作子楷史記作子析魯人

先賢冉季字子產魯人

宜春縣志

卷四

學校

三

先賢漆雕徒父字子文有家語作漆雕從字子文一作子期魯人

先賢漆雕哆字子歛家語作漆雕俊魯人

先賢公西赤字子華魯人

先賢任不齊字子游楚人

先賢公良孺家語名孺史記名儒字子止一作子幼陳人

先賢公肩定家語字子仲史記作公堅定字子中魯人或曰晉人

先賢鄒單史記有鄒單字子象無鄒單疑作一人徐廣作鄒善字子象無鄒單疑作一人徐廣作鄒善

先賢罕父黑史記字子索家語作宰父黑字索一

先賢榮旂史記字子旂家語作榮旂魯人

先賢左人郢史記字子行家語作左郢字子行魯人

先賢鄭國家語作薛邦字徒魯人史記避漢高祖諱以邦為國鄭字疑薛字之誤

先賢原亢字子亢家語作元亢字子籍史記作原亢字籍正義亢作元魯人

先賢廉潔史記字庸家語字子庸一作子曹衛人史記作齊人

先賢叔仲會字子期文翁圖作喻家諱魯人鄭元云晉人

先賢公西輿如字子西輿人史記作公西輿

先賢邾巽家語邦選字子餘史記訛邦為邾字子文翁圖避諱以邦為國作國選魯人

先賢陳亢字子亢一字禽陳人

先賢琴張一名宰家語字子開文翁圖字子張衛人

先賢步叔乘字子車齊人

先賢秦非字子之魯人

宜春縣志 卷四 學校

先賢顏噲字子聲魯人

先賢何顏字冉魯人以家語不載罷雍正二年以家訓及顏尚贊俱稱顏氏入賢去何止七復祀

先賢縣亶明以史記不載又疑與鄭單是二人罷祀雍正二年以當時原無確據仍為二人復祀

先賢樂正克孟子教子也好善當祀弟子之列增祀其為人也

先賢萬章孟子弟子史記稱孟子所如不合增祀萬章之徒序詩書述仲尼之意增祀

先賢周敦頤字茂叔世居道州管道縣濂溪漢學者稱濂溪先生諡元

先賢程顥字伯淳宋河南洛陽人文彥博題其墓曰明道先生諡純

先賢邵雍字堯夫宋范陽人諡康節

西廡先賢 先賢林放魯人明以家語不在弟子列改祀雍正二年以問禮親炙聖人即非弟子亦禮所安復祀

先賢宓不齊字子賤魯人

先賢公冶長字子長家語作長魯人史記齊人范甯云字子之

先賢公皙哀字季沈齊人史記作公皙哀字季坎索隱作公皙克

先賢高柴字子羔家語齊人史記衛人

先賢樊須字子遲家語魯人鄭元云齊人

先賢商澤字子季魯人作子季魯人

先賢巫馬施字子期陳人史記字子旗

先賢顏幸字子柳魯人史記作顏幸

先賢曹卣字子循蔡人

先賢公孫龍字子石家語作公孫寵

宜春縣志

卷四

學校

美

先賢秦商字子丕家語字丕茲魯人鄭元云楚人

先賢顏高字子驕家語作顏刻魯人

先賢穰駟赤字子從秦人

先賢石作蜀字子名秦人

先賢公夏首字子傑魯人

先賢后處字子里齊人

先賢奚容蒧字子偕

先賢顏祖字子襄魯人

先賢句井疆字子疆衛人

先賢秦祖字子南魯人

先賢縣成字子祺魯人

先賢公祖句字子之魯人

先賢燕伋字子思秦人

先賢樂欬字子聲秦人

先賢狄黑字皙之衛人

先賢孔忠字子茂

先賢公西蒧字子尚魯人

先賢顏之僕字子叔魯人

先賢施之常字子常魯人

先賢申枏字子周

宜春縣志 卷四

學校

三

先賢左邱明

先賢秦冉字開蔡人

先賢公明儀

先賢牧皮

先賢公都子

先賢公孫丑

先賢張載字子厚

先賢程頤

東廡先儒

先儒公羊高齊人 生周末

先儒伏勝字子賤 鄒平人

先儒毛亨

先儒董仲舒廣川人

先儒后蒼字近君 漢東海剡人

先儒杜子春河南緱氏人

先儒諸葛亮蜀漢瑯琊人

先儒王通字仲淹 隋龍門人

先儒范仲淹字希文 吳縣人

先儒歐陽修字永叔 廬陵人

先儒楊時字中立 將樂人

先儒羅從彥字仲素 南劍州人

先儒李綱

先儒李侗字愿中 延平人

先儒蔡沈字仲默 建陽人

先儒陳淳字安卿 號北溪 宋龍溪人

先儒魏了翁字華圃 邛州人

先儒趙復元初名儒 德安人

先儒吳澄字幼清 號草廬 崇仁人

先儒胡居仁字叔心 明餘干人

先儒范甯字武子 晉鄆陵人

宜春縣志

卷四

學校

先儒陸贄

先儒司馬光 字君實宋夏縣人

先儒謝良佐

先儒何基 宋金華人

先儒文天祥

先儒陳澔 字可大元南康人

先儒方孝孺

先儒羅欽順 字允昇明泰和人

先儒呂柟

先儒劉宗周 字起東明山陰人

宜春縣志

卷四

學校

三

先儒孫逢奇

西廡先儒

先儒穀梁赤 字元始魯人

先儒高堂生 索隱字伯魯人生漢初

先儒孔安國 字子國孔子十一世孫

先儒毛萇 趙人善說詩世謂毛亨為大毛公萇為小毛公

先儒鄭元 字康成東漢高密人

先儒韓愈 字退之唐修武人

先儒胡瑗 字翼之宋海陵人

先儒韓琦

先儒尹焞 字修明 宋涪陽人

先儒胡安國 字康侯 宋崇安人

先儒張栻 字敬夫 宋綿竹人

先儒陸九淵 字子靜 宋金谿人

先儒黃幹 號勉齋 宋閩人

先儒真德秀 字景元 宋蒲城人

先儒金履祥 號仁山 元蘭溪人

先儒許衡 字平仲 元河南人

先儒薛瑄 字德温 明河津人

先儒陳獻章 字公甫 明新會人

宜春縣志 卷四

先儒蔡清 號虛齋 明晉江人

先儒陸隴其 字稼書 國朝平湖人

先儒王柏 號魯齋 宋金華人

先儒陸秀夫

先儒許謙 號白雲

先儒曹端

先儒王守仁 字伯安 明餘姚人

先儒呂坤

先儒黃道周

先儒湯斌

學校

先儒呂祖謙 字伯恭其先萊人

先儒袁燮

崇聖祠 原名啟聖祠 國朝雍正元年始易名乾隆十年教諭周宏勳改建學宮後左旁三十二年署府

十五年台邑紳士復修中祀

肇聖王木金父 自宋遷魯始姓孔

裕聖王祈父

貽聖王防叔父

昌聖王伯夏父

啟聖王叔梁父 仕魯為陬邑大夫晚娶顏氏聖母禱尼山誕生聖人

東配

宜春縣志

卷四

學校

三

先賢顏氏 名無繇字路家語字季路顏子回之父

先賢孔氏 名鯉字伯魚子思子伋之父

西配

先賢曾氏 名點字皙家語字子皙史記作曾葢曾子參之父

先賢孟氏 名激公宜魯公族孟子軻之父

兩廡從祀

先儒周氏 名輔臣周子敦頤之父

先儒張氏 名迪宋神宗知涪州立身端潔居官廉直貧不能歸葬于涪張子載之父增祀

先儒蔡氏 名元定字季通隱居西山諡文節世稱西山先生蔡子沈之父

先儒程氏 名珦字伯温二程子顛頤之父贈永年伯

先儒朱氏名松字喬年朱子熹之父歷吏部司勳郎出知饒州至元道諡靖獻

名宦祠在大成門左康熙四十六年知縣江為龍重建乾隆三年署府事盧崧知縣高質敬改修五十五年合邑紳士改建祀明凌汝志蔣應敬向欽

國朝蔣毓英白璜高璜陶樹張芾

鄉賢祠在大成門右修建如名宦祠祀漢陳重袁京唐盧肇鄭谷廖洪宋彭俞明劉迪簡蕭義高琬袁業泗

楊萬里朝陳之龍

忠義祠在名宦祠左乾隆五十三年改建祀欽賜專諡忠毅公袁繼成

孝弟祠在鄉賢祠右乾隆五十三年改建祀宋易延慶明易直尹大祥袁蘇九劉而寬

節孝祠在訓導署前右偏雍正四年奉文建乾隆五十三

年改建道光七年與崇聖諸祠重修其姓氏俱詳

明倫堂

學校

宜春縣志

卷四

語

魁星閣在學宮外東偏乾隆間重建下砌磚為臺周廣十餘丈高三丈臺上為閣閣高二丈餘道光元年復

建臺易磚以石閣為八面三層

文昌閣舊在水次塘下面臨秀江乾隆改建學宮左

附侯世屏詩中天高閣插江頭鎖盡稠江萬里流秀水飛花頻繞帶春臺壘翠恍懸旒門前芹藻

披風醉檻外星辰徹夜浮今古人文關地服郡人猶自

說盧洲哀一菁和韻江上文星起壯猷崇密翠巖

望中收前賢化兩沾春草後浪乘風讓急流莫訝形家

土地祠以上修建俱詳文廟

祭器庫在大成門左祭器詳府學

樂器庫在大成門右樂器詳府學

宜春縣志

卷四

三

穴之寇談笑芟殄于是四境晏然無疾呼急步之警十
 三郡之眾若治宜春焉初令宜嚴氏沒官田宅歲久蕩
 餘金詔以任江西南贛軍需舊矣而蕪田敗屋歲多越
 負軍儲告匱則取盈于民敲扑轉徙怨聲載路南瑞臨
 撫諸郡苦之而袁為甚公廉知其狀歎曰坐派名也而
 積遺若此是無裨於官而重困吾民也且田蕪屋敗歲
 益甚耳失今不理害其有極捐近利而懷遠圖孰與計
 置鬻產儲之以備軍需乎乃謀於南贛督府殷公江西
 巡撫劉公兩公議合遂會疏得請于是官民兩便而屢
 歲倒懸一朝復釋已復念曰袁民今則稍蘇矣若士困
 何且茲地故瘠得無仍有有力學而不給罄粥者乎有沒
 不能辨壯不能室者乎有貢舉舟車之費一切倚辦于
 民者乎吾當計所以給之會有匿報沒官田產者會其
 直得金若干郡大夫以請公欣然曰是不足為諸生資
 乎即以分給五校為市田費多寡以差自是庫有恆產
 士有恆資始公為諸生慮者此取給矣事竣凡阡陌疆
 里佃人姓名歲入歲出之數籍而記之以報命於公且
 白學憲邵公時郡大夫謂茲嘉會盛舉何可無紀乃介
 予門人何生元會謬以屬秩為記焉夫俗之敝也士大
 天傳舍視官府塗人視士民在則念去則否久則忘之

學校
 學田

者豈少也公去袁州歷二紀餘矣乃其心乎士若民也
 睠焉如一日至為置田給之若父母之遺其子弟然者
 此非真仁篤愛怛然結于中而不可解者能之乎雖然
 公豈屑屑然為多士饘粥計哉實為國樹人備異日用
 耳夫修先聖之術明當今之務士之業也猶農夫之耕
 也襁褓弗服錢鏹弗貯口士之情鹵莽而耕滅裂而耘
 曰士之罔舍我嘉穀殖彼良莠曰士之蠢必也禮耕義
 種仁聚樂安而日講學以壽之以肥于身以肥于家國
 天下斯公屬望之意不然者素餐也即國家何賴焉
 故置田授粲公之養士也修先聖之術明當今之務則
 士之所以自養也多士慎毋舍其田以負公哉秩不佞
 敬釋緒言為桑梓忠告因以復郡大夫田在郡暨四邑
 者總之若干畝歲入租若干石其直若干金具載于碑
 陰公名棫字世寅蘇之常熟人嘉靖丁未進士以今年
 某月日晉工部侍郎以去公孝友仁厚自不家食時歲
 以所餘租入給鄉族凡親而貧疎而賢者若而人蘇人
 德之謂有文正之風其撫訂右也崇素儉舉鄉約嚴保
 甲省繇役平巨寇鋤貪猾所謂撫摩噢咻之者不遺餘
 力茲以記學
 田也不具書

學額

國朝順治四年定直隸各省學額視人文之多寡分大學中學小學大學取生員四十名中小學以十為差府學廩生四十名縣學二十名增廣生如其數府學貢於成均者歲一人縣學二歲一人康熙九年更定儒童入學額數府學二十名宜春為大學十五名武學名數同雍正二年奉

上諭詳載卷首遵

旨查核題准袁州府宜春縣向係大學今照府學額取進二十名武學仍舊康熙六十一年

宜春縣志

卷四

學校 學額

三

恩詔直隸各省儒學大學加取七名中學五名小學三名府學視大學雍正十三年乾隆六十年俱大學加七名嘉慶元年加五名五年加七名二十五年加七名道光元年加七名三十年加七名咸豐三年同治二年俱奉

恩詔如前舉行不為例咸豐六年髮逆竄踞袁城宜春紳民辦理團練前後捐輸軍款并隨同官軍防勦克復屢經聲明同治五年巡撫部院劉奏請獎敘加額戶部會議於六年四月初七日具奏本日奉

旨依議加永遠文武學額各十名廣一次文武學額各十八名謹錄奏摺部文於下

旨勅

仰祈

巡撫部院劉坤一奏為宜春縣紳民辦理團練捐輸防
勦經費請
分別獎敘並加廣文武學額以昭激勸恭摺

聖鑒

事竊查前准戶部咨欽奉
嗣後各省捐輸團練各官紳抵准議給虛銜封典加級

旨依

紀錄等項不得再請實在官階以示限制捐項照現行
常例加四分之一核算並由該督撫先將捐資若干勇
數若干起止日期支銷數目報部核銷再行奏請給獎
等因欽此又准戶部咨現任同治三年六月以前各處
辦理軍需未經報銷各案奏准將收支款日總數分年
分起開具簡明清單奏明存案免其造冊報銷團費事
同一起開具簡明清單奏明存案免其造冊報銷團費事
造冊報銷以昭畫一因具奏奉
議欽此移咨將以前團練未經報銷各案收支款日總
數開具清單送部備查等因查江西宜春縣紳民遵辦
團練隨同官軍防守邊界克復袁郡城池並越境攻勦
斬擒逆匪頗多實為屢著成效非僅自衛郵莊可比所
有支給勇糧及製造軍械等項自咸豐三年七月初一
日起至四年十二月十五日止又自咸豐六年五月初一
學校學額

宜春縣志

卷四

三九

十四日起至十一年七月十八日止共用銀一十六萬
三千八百五十一兩零據該縣造冊呈由總局司道核
明開具支銷各款總數清單具詳請奏前來臣查宜春
縣紳民辦團防勦克復郡城越境殺賊屢著功績所需
經費概由紳民捐辦並不動用正款洵屬好義急公其
捐輸各戶願得貢監職銜

封典

者自應欽遵
論旨照常例銀數各加四分之一請獎臣謹將合例應敘各

御覽

至所捐經費除外屬紳民捐數不計外本邑紳民共捐
銀一十三萬六千三百八十九兩內以上萬加廣宜春

皇仁

該縣一次文武學額各十八名又以三萬六千兩加廣
而作士氣餘銀三百八十九兩容俟該縣續有別項捐
輸歸併辦理其歲科兩試應如何分屆取進聽候部示

遵辦除將紳民捐輸數目及年貌籍貫履歷清冊並支
銷各款總數清單送部外理台會同署兩江督臣李
恭摺具

皇太后

奏伏乞

皇上聖鑒勅部核覆施行謹

奏

戶部等部為遵
旨核議具奏事江西巡撫劉
奏宜春縣捐辦團練請獎

旨該部核議具奏單二件并發欽此嗣於十一月內據該撫

將捐冊咨送到部查

奏內稱前准部咨欽奉

上諭嗣後各省捐輸團練各官紳祇准議給虛銜封典加級

紀錄等項不准再請實在官階以示限制等因欽此又

准部咨現在同治二年六月以前各處辦理軍需未經

報銷各案奏准將收支款目總數分年分期開具簡明

清單奏明有案免其造冊報銷團費事同一律所有同

治三年六月以前團練經費應一併免其造冊報銷以

昭畫一等因查江西宜春紳民歷年遵辦團練隨同官

軍防守邊界克復袁郡城池並越境攻勦屢著成功非

僅自衛郵莊可比所有支給勇糧及製造軍械等項自

咸豐三年七月初一起至四年十二月十五日止又自

咸豐六年五月二十四日起至十一年七月十八日止共

用銀一十六萬三千八百五十一兩零查宜春縣紳民

團練防勦克復郡城屢著功績所需經費概由紳民捐

辦並不動用正款海屬好義急公其捐輸各戶願得貢

監職銜

宜春縣志

卷四

學額

封典者自應欽遵

論旨照常例銀數各加四分之一請獎至所捐經費除外屬

紳民捐數不計外本邑紳民共捐銀一十三萬六千三

百八十九兩內以十萬兩加廣宜春永遠文武學額各

十名又以三萬六千兩加廣該縣一次文武學額各十

八名以廣

皇仁而作士氣餘銀三百八十九兩容俟該縣續有別項捐

輸歸併辦理其歲科兩試應何如分屆取進聽候部示

遵辦等語臣等查各省團練捐輸奏定章程祇准給予

虛銜級紀等項不准請敘實在官階其捐款仍照常例

加四分之二等因歷經遵辦在案茲據江西撫臣劉以

宜春縣團練捐輸送冊請獎並廣學額臣等查飭司員

照章核算所有請獎捐生共計四百零六名內張樹楠

等四名與例未符另行核辦其葛肇元等四百零二名

捐銀請獎均屬相符謹繕清單恭呈

御覽如蒙

恩准臣部移咨吏兵二部及國子監繕照封發其貢監部照

附祀儀 乾隆四年頒

先期執事官員人等各於家致齋三日祭前期一日承祭官至

聖廟觀樂觀畢具朝服上香行三跪九叩首禮畢至省牲亭香案前獻爵奠酒揖宰牲取血執事生捧送各壇供

奉承祭官俟安設畢一揖退正齋日承祭官暨分獻官

陪祀官俱集陰陽生報鼓三次贊引樂舞生就位執事

生各司其事承祭官分獻官陪祀官各就位贊引就位

承祭官就拜位立分獻官瘞毛血執事生捧毛血盤迎

及陪祀官隨後立通贊唱瘞毛血出瘞畢通贊唱迎

宜春縣志

卷四

三

禮畢樂止奠帛行初獻禮樂奏甯平之章樂作贊引生贊詣盥

洗所贊引生引承祭官詣盥洗所贊引生贊盥洗舉贊引詣酒樽所贊引

承祭官詣司樽者啟幕酌酒贊陞壇贊引生引承祭官

酒樽所贊贊門詣

至聖先師孔子位前承祭官至案前立贊上香跪承祭官獻帛帛

生捧帛跪進承祭官受獻爵司爵生捧爵跪進承祭

帛捧舉獻畢贊引生贊獻爵司爵受爵拱舉獻畢贊

首興承祭官三詣讀祝位承祭官至讀祝位立讀祝生

止贊引跪承祭官跪讀祝生分獻官讀祝文讀畢捧祝

案前退樂作叩首興承祭各官三叩行分獻禮壇下贊

引分獻官照承祭官詣

復聖顏子位前分獻官就位立贊 上香跪分獻官 獻帛司帛生

進於左分獻官受帛拱舉獻畢贊 獻爵司爵生捧爵跪進於右分 叩首

興分獻官一詣叩首與贊

宗聖曾子位前如前儀贊詣

述聖子思子位前如前儀贊詣

亞聖孟子位前如前儀贊詣

十二哲神位前如前儀贊詣

兩廡位前如前儀贊復位承祭官分獻官各復 行亞獻禮樂

奏安平之章樂作贊引生贊 陞壇獻爵如初獻儀畢復位承祭

獻官各復位立樂止通贊唱 行終獻禮樂奏景平之章樂作陞壇獻

登春縣志

卷四

學校 祀儀

三

爵如初獻儀畢贊引生贊 復位各官復位立 飲福受胙贊引詣飲

福受胙位承祭官至殿內立司酒胙二人捧酒胙至正

在左傍跪贊跪承祭官 飲福酒承祭官受爵拱舉授

胙承祭官受胙拱舉授 叩首興承祭官三復位承祭官

通贊行謝福胙福禮贊引生贊 跪叩首興承祭官奔獻官陪

叩首禮徹饌樂奏威平之章 樂作徹饌樂讀祝者捧祝

司帛者捧帛各恭詣瘞所承祭官退至西旁立候祝 樂

奏威平之章樂作贊引生贊 詣瘞位引承祭官至瘞位 禮

畢退

祭文 乾隆九年 頌

雜

先師德隆千聖道冠百王揭日月以常行自生民所未有
屬文教昌明之會正禮和樂節之時辟雍鐘鼓咸恪薦於
馨香泮水膠庠益致嚴於邊豆茲當春秋仲祗率彝章肅展
微忱聿將祀典尚饗

樂章

康熙八年訂正樂章改革名和為平稱中平韶
樂康熙五十五年奉准平字樂章通行唱贊

迎神奏咸平 大哉孔子先覺先知與天地參萬世之師
祥徵麟紱韻答金絲日月既揭乾坤清夷

初獻奏甯平 予懷明德玉振金聲生民未有展也大成
俎豆千古春秋上丁清酒既載其香始升

宜春縣志

卷四

學校 祀儀

四

亞獻奏安平 式禮莫愆升堂再獻響叶鼓鏞誠孚壘獻

肅肅雍雍譽髦斯彥禮陶樂淑相觀而善

終獻奏景平 自古在昔先民有作皮弁祭菜於論思樂

惟天牖民惟聖時若彝倫攸敘至今木鐸

徹饌奏咸平 先師有言祭則受福四海贊宮誰敢不肅

禮成告徹毋疎毋瀆樂所自生中原有菽

送神奏咸平 鳧繹嶷嶷洙泗洋洋景行行止流澤無疆

聿昭祀事祀事孔明化我蒸民育我膠庠

陳設

酒樽二

爵三

盛酒

罍一

鐙二

登一

盛大

二盛和 籩二盛黍一 簋二盛稻一 邊十盛菱角

棗一形鹽一鹿脯一 豆十盛芹菹一 蕪菹一 菁菹一

醢一魚 大牢一 少牢二 豕一 帛一段長一丈

祝版一 以木為之用白紙寫祝文粘其上祭畢焚之 高案一 置殿前陳設諸祭儀

香几一 設於前置香燭 祝版奠帛於上

每祭聖廟日先祭崇聖祠承祭官教諭分獻官訓導行 二跪六叩首禮餘儀與祭聖廟同

陳設

正五位各用白色制帛一 白衮爵三 羊一 豕一

鉶二 簋二 籩二 邊八 豆八 酒罇一 鑪一

宜春縣志

卷四

學校 祀儀

聖

鐙二

配位白色制帛二 每位銅爵三 豕首一 豕肉一

簋一 籩一 邊四 豆四 酒罇一 鑪一 鐙二

兩廡白色制帛二 每位銅爵三 豕肉一 羊肉一

簋一 籩一 邊四 豆四 酒罇一 鑪一 鐙二

祭文 乾隆九年 頒行

雜

王奕葉鍾祥光開聖緒盛德之後積久彌昌凡聲教所覃 敷率循源而溯本宜肅明禋之典用申守土之忱茲屆仲

春秋 聿修祀事尚饗

每歲春秋釋奠文廟畢用幣一爵三簋一簋一盞四豆
四致祭名宦祠主祭官以下俱吉服行禮畢以次祀鄉
賢忠義孝弟節孝諸祠祭品儀式俱如名宦祠

名宦祭文 仍舊

昔官茲土咸有樹立媿非倖成功非掩飾孰彰於前孰遠
於聞穹碑信史遺跡剩分施法死勤著在舊典禮以成之
敢用弗腆麗牲載酷進公之堂擊鼓迎神神其我旨尚饗

鄉賢祭文 仍舊

民以俗習賢因地靈身彝行獲鄉人所經或器沉涵或節
稜厲要其歸趣若執左契某水某邱公所芳遊文獻之餘

宜春縣志

卷四

學校 祀儀

四六

賴有前修我享惟時以妥以侑颯然精爽鑒我盞豆尚饗

忠義孝弟祭文 乾隆九年 頌

維靈稟賦貞純躬行篤實忠誠奮發貫金石而不渝義問
昭宣表鄉閭而共式祇事懋彝倫之大性摯莪蒿克恭念
天顯之親情殷棣萼模範咸推夫懿德綸恩特闡其幽光
祠宇維隆歲時式祀用陳尊簋來格几筵尚饗

節孝祭文 乾隆九年 頌

維靈純心皎潔令德柔嘉矢志完貞全閨中之亮節竭誠
致敬彰閩內之芳型茹冰蘖而彌堅清操自勵奉盤匱而
匪懈篤孝傳徽絲綸特沛乎殊恩祠宇昭垂於令典祇循

歲祀式薦尊醪尙饗

鄉飲酒禮 附

凡鄉飲酒之禮歲以孟春望日孟冬朔日舉行於順天府庠豫期由大興宛平縣令各舉耆年致仕德望懋著者一人為賓次介次三賓次眾賓均以齒德兼優者為之屆期以本部漢堂官一人監禮府尹為主人教授一人為司正贊禮執事以府縣學生員先一日設坐次於庠之講堂設律令案於堂東司正官率執事諸生習儀樂部和聲署設樂於西階下至日質明主人偕僚屬執事生均詣學迺速賓介既至考鐘伐鼓主人出迎於庠

宣春縣志

卷四

學校 祀儀

四七

門之外賓介東面主人西面主人揖賓介入眾賓從入三揖至於階三讓迺升主人東階上北面再拜賓介西階上北面答再拜主人揖賓介就位三賓眾賓咸就坐賓席西北南嚮介西南東嚮主人東南西嚮三賓眾賓在賓席之西東嚮坐定贊者贊司正揚解以下行禮俱唱贊司正由西階升詣堂中北面立賓主以下皆立司正揖眾皆揖司爵酌酒於觶授司正司正揚解而語曰恭惟朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和鄉里無或廢墜以忝所生迺畢飲以觶授

司爵揖賓主以下皆揖司正退眾皆坐執事者舉律令案於堂中讀律令者詣案北面立賓主以下皆立揖如前讀畢退主人起獻賓席前北面立司爵酌酒授主人主人受爵詣賓位司饌舉饌案於賓前主人奠爵於席降再拜賓答再拜退復位賓起酢主人席前東面立司爵酌酒授賓賓受爵詣主人位饌案從賓奠爵於席再拜主人答再拜賓復位主人起獻介介酢主人均如前儀司爵酌酒獻三賓眾賓徧工升鼓瑟歌鹿鳴賓主以下酒三行司饌供羹笙磬作奏南陔間歌魚麗笙由庚司爵以次酌酒司饌供羹者三迺合樂歌關雎工告樂

宜春縣志

卷四

學校 鄉飲

哭

備執事者徹饌案賓主以下皆起主人就東階賓介就西階均再拜賓介降階出主人送於門外如初迎儀

按直省舉行鄉飲酒禮府以知府州以知州縣以知縣爲主席餘儀與順天府同

鄉飲賓姓名

明張化龍 朱克琳 徐天銳 潘 宇

國朝梁佳植 袁繼騰 袁繼誠 晏先登

劉而實

道光十五年冬季

大賓貢生蕭光浩

西隅二
邑人

介賓生員曹席之 薦外鄉福

眾賓耆民劉在璧 北陽人

鄒六仁 集雲鄉人

夏曰鶴 集雲鄉人

魏向道 集雲鄉人

任天衢 化南鄉人

趙鶴松 薦裡鄉人

李中祥 薦裡鄉人

道光十六年春季

大賓歲貢生李獻書 薦裡鄉人

介賓監生黃定藩 薦裡鄉人

眾賓耆民李象坤 薦裡鄉人 李象泰 薦裡鄉人

張世仁 薦裡鄉人 潘濬瀾 善和鄉人

宜春縣志

卷四

四九

道光十八年春季

大賓歲貢生李溶 薦外鄉人

介賓監生彭日崑 賢仁鄉人

眾賓耆民李向昭 薦裡鄉人 劉耀先 遷喬鄉人

晏渭叟 石外鄉人 謝遴修 集雲鄉人

彭日新 石外鄉人 易誥 歸化鄉人

易家錡 詔仁鄉人

道光十九年冬季

大賓歲貢生易圭成 薦裡鄉人

介賓監生易煥禧 化北鄉人

眾賓耆民彭庭梧

化南鄉南
西崙人

胡增齡

化南鄉貴
西崙人

張大成

薦外鄉再
興二崙人

潘宏棧

化北鄉信
西一崙人

易懷崇

化北鄉興
西一崙人

戴長松

薦外鄉再
興二崙人

道光二十年冬季

大賓歲貢生袁壯興

善和鄉安
樂下崙人

介賓監生謝大中

遷喬鄉禮
泉一崙人

眾賓耆民鍾家瑞

薦裡鄉片
四崙人

郭榮登

遷喬鄉禮
泉一崙人

廖家棠

化北鄉興
西二崙人

易在藻

化北鄉興
西三崙人

李萃會

北隅一
崙人

廖廷俊

遷喬鄉顯
親崙人

徐興禮

遷喬鄉顯
親二崙人

何文斗

西隅二
崙人

宜春縣志

卷四

三

道光二十一年冬季

大賓歲貢生李

溶薦外鄉再
興一崙人

介賓監生李希聖

薦外鄉再
興一崙人

眾賓耆民曹文鼎

薦外鄉福
上崙人

易作用

詔仁鄉茂
才崙人

李安

薦外鄉再
興一崙人

彭國仁

石外鄉神
東一崙人

羅如桃

集雲鄉宣
東一崙人

袁國銖

善和鄉歸
德二崙人

趙觀泉

修仁鄉溫
湯二崙人

道光二十二年春季

大賓歲貢生李獻書

薦裡鄉片
一三圖人

介賓監生李

薦裡鄉片
一三崙人

眾賓耆民劉邦頤

石外鄉長
中齒人

李象觀

薦裡鄉片
一三齒人

劉獻瑞

石外鄉長
中齒人

黃嘉顯

北北鄉信
西二齒人

程維翰

南隅二
齒人

劉呈瑞

石外鄉長
中齒人

李雲鸞

薦裡鄉片
一三齒人

羅 鏗

集雲鄉十
加南齒人

余泰臨

石外鄉大
二齒人

冷向峻

信義鄉禮
成一齒人

余立朝

修仁鄉奉
化二齒人

道光二十三年春季

大賓歲貢生李獻書

介賓生員易榮棠

眾賓耆民王士遴

彭榮椿

宜春縣志

卷四

學校

鄉飲

三

鍾廷贊

陳碧梅

陳邦彥

易榮宗

易宗頤

道光二十三年冬季

大賓歲貢生袁壯輿

介賓生員袁錫光

眾賓耆民易日模

石外鄉人

湯光斗

張邦彥

胡圭雲

甘占元

黃廷模

鍾一鳳

道光二十五年春季

大賓武舉周

縉

遷喬鄉興
東畝人

介賓生員劉樹德

北外廂
二畝人

眾賓耆民劉夢熊

北外廂
二畝人

胡養田

化南鄉貴
四畝人

張大本

遷喬鄉醴
泉畝人

聶鳳元

東隅二
畝人

蘇家諳

化南鄉善
東畝人

周增健

遷喬鄉顯
親畝人

道光二十六年春季

大賓副貢生李起元

介賓武生袁建標

眾賓耆民唐大定

劉登順

學校

鄉飲

宜春縣志

卷四

五

湯維級

袁芳樸

袁士容

袁芳樞

楊繼先

劉盛瑞

袁志海

鍾秉仁

道光二十六年冬季

大賓歲貢生李中孚

石外鄉神
西畝人

介賓監生易廷爵

石外鄉長
下畝人

眾賓耆民黃顯蒸

化北鄉信
西一圖人

易廷楨

石外鄉長
下二畝人

何嘉賓

集雲鄉十
加北畝人

潘開賢

化北鄉信
西一畝人

錢士涵

詔仁鄉永
盛畝人

唐凌雲

信義鄉大得
北二畝人

張炳書

石一邑人

易應運

遷喬鄉顯

張光華

石一邑人

鄒立壽

善和鄉興

吳龍光

石外鄉長

道光二十八年冬季

大賓歲貢生李元

北隅一

介賓監生錢蔚善

詔仁鄉永

眾賓耆民彭峩

集雲鄉九加

梁宗諤

善和鄉陽

徐鳳章

集雲鄉宣

余光緒

集雲鄉奉

譚美貴

集雲鄉九加

羅克選

集雲鄉十

宜春縣志

卷四

三

道光二十九年冬季

大賓附貢生謝遴鏞

介賓監生羅景成

眾賓耆民周金封

袁裕馨

袁崧

萬佑賢

咸豐二年冬季

大賓歲貢生袁壯輿

善和鄉安

介賓監生袁朝任

善和鄉歸

眾賓耆民袁建榮

信義鄉得

鄧家權

詔仁鄉欽

虛泰階

石外鄉大

袁佳讓

善和鄉安

何應臻 薦外鄉 福 袁日庸 善和鄉 安

易樹派 化北鄉 興 易榮輝 化南鄉 南

楊家奎 集雲鄉 十

咸豐九年冬季

大賓歲貢生胡景瑗 修仁鄉 勸

介賓監生劉邦明 石外鄉 長

眾賓耆民易榮貴 石外鄉 長 李敦化 薦裡鄉 片

劉壽徵 石外鄉 長 李師安 薦裡鄉 片

同治二年冬季

大賓歲貢生李佩璠 薦外鄉 再

宜春縣志

卷四

五

介賓監生楊啟魁 集雲鄉 十

眾賓耆民易池運 石外鄉 長 黃昭度 遷喬鄉 醴

補遺

監生李濟川 石外鄉 霞溪人 監生鍾繼韶 薦裡鄉 漢坑人

介賓施學潮 眾賓劉在馭 北

劉在升 北 張宗朝 石外鄉 神

鄒建藩 楊林祖 石裡鄉 太六 孫如璋

鍾步衢 東外鄉 彬四人 梁 樾 石外鄉 白沙人

趙永年 信義鄉 大 張邦秀

以上俱道光十五年前因案卷遺失從採訪補錄

書院

昌黎書院在宜春臺下昔有韓文公祠在府學講堂西明初都御史韓雍知府姚文穆建今址知府王炬續成之嘉靖己酉知府劉廷誥知縣徐斌復修匾曰昌黎書院增建原道閣以謀諸生歲久漸傾萬厯間知府鄭愔典復修增屋三楹以備庖烹四十一年汪若水再修春秋致祭編門子一名司香火明末鞠為茂草

國朝康熙四年守道施閏章知府李芳春同知孫席慶推官鄭燠捐貲重建祀位如舊選四邑生童肄業其中

附鄭燠記

袁陽舊有昌黎韓公祠在郡學講堂西宋知州事祖公無擇實經始之明初姚公文守茲

宜春縣志

卷四

學校 書院

土卜移宜春臺下即今址云嘉靖間劉公廷誥改爲昌黎書院增原道閣延諸儒講學其中此袁陽昌黎書院所自始也後鄭公愔典復增屋三楹以備庖厨汪公若水又重修焉先後叙其事者如祖公無擇黃君幹諸記具載郡志中其所以尊尚韓公者至矣然竊謂知所以尊公者實未盡知公之以傳道礪世爲心歷千萬禩如一日者也公嘗謂世無孔子不當在弟子列又曰堯舜禹以是傳之湯文武周公孔子孔子傳之孟軻軻之後不得其傳非隱然有以自任乎蓋公實有見夫孟子之心之性與夫持志養氣者若親承其統緒焉故其貞一己之心性以全生平之志氣溢爲文章措諸行事歷久而道彌尊今袁之有書院已數百年登其堂者或徒見公有濟天下之畧與夫起八代之文而不思其所爲約六經之旨以反二氏之非者則是登公之堂而不能行公之事其於書院之建不大失前人意哉蓋公守袁實移自湖潮之人嚮未知學公命趙德爲之師士皆敦行延及齊民至今號易治及在袁一時盧肇黃頗諸名人皆公所迪而教之用能發高士之風規振都官之遺緒文章節義麟麟炳炳公之教倡於上士勸應於下代有聞人時多有德書院之於袁顧不重歟且其地枕春臺

珠泉貫擅山川之秀數十年來兵燹岷嶺樹生瓦礫
間高且壽文癸卯冬三韓李公來守是邦與予二三僚
屬文武同心協恭修城葺學繕橋梁講郡治百廢漸興
署中舊額景韓公實嚮往之余因道及昌黎書院鞠為
茂草講學不行人固則效適分守參藩施公按部余從
李公後相率白其事輒慨然首倡又得進士袁君繼梓
偕鄉紳梁君嘉植共襄斯舉爰相舊址諏日重建堂廡
巍然樓閣翼翼齋舍庖湏以次而備中祀昌黎公傍仍
舊典以李翱皇甫湜盧肇鄭谷配之自茲以往道德之
所由成教化之所由一政治之所由美韓公傳道礪世
之心所由昭示來茲皆於書院是賴顧不重歟余司理
茲郡訟牘簡少爰請太守李公暨諸寅屬同課諸生遴
其尤者肄業書院中親行訓督相與明聖賢之旨尹平
治之畧如父兄之於子弟朝引而夕導焉又日給糜餼
俾得一意下帷頗謂一時盛事太守李公屬予記之子
不敢辭謹為之叙其本末俾後之君子知創於前者如
彼興於後者如此從而推廣教化增修宮墻尙將有厚
望焉是役也工始於康熙乙巳九月告成於丁未三月
分守施公名閏章江南宣城人協鎮許公壯猷京衛人
太守李公芳春三韓鐵嶺人郡丞孫公席慶新任夏公
學校書院

宜春縣志 卷四

毓龍都司董公正己宜春知縣陸柄謙署縣事鄭宰分
宜知縣朱蘊萍鄉知縣臺瞻斗萬載知縣范廷鳳皆與
有捐助者司理鄭焯為
之記閩之莆陽人也

八年知府李芳春清查本邑蕪荒田一十二頃三畝五
分八釐六毫自為學田科舉二記

附李芳春科舉記 袁為郡在江右上游山水清奇代多

來考之郡乘魏科甲第炳炳麟麟蓋嘗指不勝屈矣近
年以還稍遜往詰議者以時會偶然予竊有不信者亦
謂顧人事何如耳予嘗遍詢江右錄科如南吉撫建諸
郡多者千人次亦不下數百其取之也廣故其得之也
眾袁固多才不讓諸郡而既其限數通計五序每科不
過百幾十人以是即事用希逢年益寡良有由也予自
康熙丙午昌黎書院甫成思得援鸞洲鹿洞澹臺三書
院例即草具另請科舉一詳上之學使王公業蒙錄遺
准試拔取若干名入場在案然私心猶未之愜也頻年
與諸士書院晨夕勤勤考課竊見風氣日益秀上自謂

此中可當旗鼓受上賞者誠多其人而盛事猶有待心
怒然憂之爰於丁未之冬請諸學使吳公期以按部親
臨書院另額錄取幸荷報可至次年戊申春抵袁予躬
申前請蒙諭以昌黎書院科舉額數准取大學八名中
學五名小學三名榜示署門永著為例及至案發果如
所定予為忻躍再四秋闈撤棘而登賢書者有人中副
車者多人矣是謂人事一盡數即從之由此昌隆光大
聯翩科名何渠不若諸郡也鄉先生同多士又恐歲月
既深典制莫定復於庚戌王正公詞以書院錄科定額
立案請且求筆之郡乘俾後有所徵予適赴會城躬詣
學使吳公呈詳懇切蒙批據詳昌黎書院科舉額數諸
詣至再具見該府作養人才盛心准於正額科舉及遺
才錄科外大學八名中學五名小學三名為昌黎書院
科舉定額以示鼓勵之意永遠為例嗟乎當事之深念
我袁士至矣諸士砥行立名讀書揣摩明先王之道以
達當世之務所謂勤職業乃所以求知是為盡人事之
本予雖鄙陋猶將與諸生益勵前功其無負重建書院
之意或邀昌黎之靈如貞元會昌洪承故事從魏科高
第繼繼繩繩文章風節彪炳海內予拭目俟之因從鄉
先生並諸士之請錄學使吳公之批而謾為之記

學校書院

宜春縣志

卷四

三

附李芳畚田記

予作昌黎書院成數與寅屬進五學諸

肄業其間錄其文若干首授之梨棗以示激勸更為日
給廩餼俾得一意講習自謂頗稱快事既伏而思余一
官傳台幸有此書院與諸士朝夕倘無經久之規將來
生徒日盛苦無所資且絃誦之地歲需修葺徒責望後
人以不可知之役處萬難行之捐助是殆未可以垂永
久簿領之暇等畫數四因查得宜邑間曠荒田數段此
田載在全書約計一十二頃有零寔稽成熟不過十之
一二總緣歷年深久業主無存愚民既苦難墾又恐賦
隨其後以故佃者率畏縮不前比年蓄畬且多與草及
至考成官民交病予謂是固可以為吾書院地矣爰誠
之縣令陸柄謙往復久之議以此田置之書院而予為
措給牛種區處廬舍召佃開墾免其徭役許以成熟陞
科國計漸可無虧多士從此永利在吾輩設誠力行之
耳謀既協乃請諸藩臺余公又往復覈詳至再幸蒙批
行在卷因於康熙戊申仲夏集諸耆民于庭責以分往
鄉隅履畝清楚務詳務寔間有疑似未明必委官再行
檢踏或單騎躬自省勘召其比鄰細為詢寔偶有欺隱
薄責而賁之然後此田瞭然指掌遂于是冬大治田事

其熟者安插原佃諭以樂耕矣其荒者悉為設處牛種
廬舍諸貲分給各者及早市置招民承佃一切雜泛差
徭概行蠲免俾得悉力田間明年己酉東作告成予聞
行按視並命諸耆轉相勸勞見其疆場翼翼禾黍或或
曩時所避為畏途號稱石田者今良苗在望十有八九
矣節屆三秋命諸耆造清荒熟二冊延鄉先生之賢者
總其成遞諸士中之髦秀者分其任公同簡閱一如初
約令諸耆止按成熟收量新田始置以俟陞科余為計
完糧外尚餘阻穀若干石藏之以為吾書院廩餼修理
之用亦既卓有成效今歲庚戌仲夏雨暘以時可望有
秋予按行及分遣耆耨相一如昔時督其及柞更加開拓
焉踴躍稱快至為起舞又明年則是田盡可倉箱矣嗟
乎天下有治人無治法昔賢每為三歎然予歲嘗躬赴
會城又間行吉州詢及澹臺鷺洲兩書院僉云南州昔
年有涂恭襄先生諱宗濬者官大司馬講學澹臺即其
提衡書院錢穀事措置不苟出納有方不越數年資用
充溢賓興讀書之費具足焉又吉水有李忠肅先生諱
邦華者官總憲亦主鷺洲講習其與九邑諸生經紀公
費歲時諸生補助書院修理暨鄉會公車贈送俱不缺
於供此兩先生不足為吾書院先資模範乎予願鄉先

學校 書院

宜春縣志

卷四

四

生及諸生肄業其中者三復二郡盛蹟時督諸耆留意
綜理無俾耗蠹力行省勸無俾荒廢自完公賦外其有
書院當支給修葺當及時者不憚毅然身任之總之期
公明平何思不服若夫後之君子有地方之責者念謀
始之艱從而修舉嗚呼焉母視為不急之務而緩置毋
指為不經之費而移毋苛索田租致其草竊毋輕役
佃民使其獸奔將此田可以永承奕世而髦士奮興科
名接武予日望之田共一十二頃三畝五分八釐六毫
坐落鄉隅各地名并畝分租數房屋山塲佃戶姓名詳
載如左茲紀其大畧以俟後來有攷焉鄉先生董其事
者梁公佳植袁公繼梓其諸士名氏另書於冊

雍正間知府薄履青重修并經紀膏火乾隆十六年知
府楊暹將學田餘租銀補修廳樓添建橫屋一棟於左
每年仲春諭四邑生童報名造冊送考取錄酌給膏火
委府縣學教職兼司訓迪二十四年知府陳廷枚計歲

額餘租優給生童膏火端聘名宿為山長傲豫章白鹿
規條府教授熊日華記

附熊日華膏火記

昌黎書院為袁郡培養人才之地舊有膏火田十一頃三畝有奇歷年除

納糧外額折租銀四百九十九兩以為書院之用向來以學博兼山長而規條未備乾隆二十四年己卯大守陳公仰體藩憲湯公振興書院之意酌定章程詳請允行聘請浙西張堯夫先生為山長先生諱盛璜構李名儒也其教一本蘇湖學約一時受學之士咸以文行相砥礪而院規一振其束脩薪水膏火及各工食各有額山長則每月束脩銀十兩油燭薪水銀四兩肄業生童每月每名膏火銀六錢每月工食銀五錢水夫二名伺門役一名司啟閉每月工食銀五錢廚子一名尚司候生童薪水使令每月工食銀各五錢厨子一名尚司山長庖餼每月工食銀六錢其山長聘禮節儀及一切堂課開館席費視所餘盈縮以為豐儉章程既定於是遠近聞風者爭赴肄業生徒既眾室不能容更闢東軒三楹額曰映雪舉行之次年歲在庚辰學憲按臨歲試

宜春縣志

卷四

學校書院

五

諸生多列高等儒童人泮者十餘人一時稱盛夫自唐昌黎韓公刺袁數月加意作人於是袁郡文運丕隆盧鄭輩出文章科第照耀簡編而袁遂為名郡昌黎去今千載而大守陳公慨然以興賢育才為己任規條整肅廩既優隆而士之懷其德服其教者咸爭自濯磨將必有經明行修之彥如盧鄭其人者出其間則昌黎文公之流風餘韻惟我公為能嗣其響也與肄業諸生感公樂育裁成之恩悉良法美意久而遺忘謁予作交以記之余不敏爰質書其事以志不朽云乾隆庚辰歲孟夏月朔日

宜春於院左構屋一所顏其堂曰四宜嘉慶十五年知

府鄭鵬程知縣龔景沆率貢生劉培莊重建文公祠及

講堂左右兩廊書房萍鄉重建頭門十六年萍鄉職員

李逢滄逢溱兄弟捐建書屋於講堂右偏道光二年分

宜職員張申祿捐建書屋於講堂左偏道光十八年宜

春捐賞修葺原道閣四宜堂併添構捲棚移建頭門新建魁星閣及碑亭各一所圍以高垣曲欄備置一切什物同治七年知府駱敏修以修 上諭亭餘賞重修并院左右魁星閣月亭一律修葺

附張起文昌黎書院課藝序 古者建國君民教學為先蓋士為四民之首士習正

而後民俗厚此綱紀四方必以作人為先務也我皇上養育人材特賜帑金於省會書院中聘名師以教士子故人皆鼓舞振興勉成有猷有為有守之士以報國恩袁和為昌黎先生舊治向有書院大守薄公仰贊聖天子作人雅化聚生徒於院中朝夕摩厲使成大器昔韓公判潮念潮人未知學命進士趙德為之師士因篤於文行今公亦命進士湯省元同兩廣文掌教院中則其時兩之化自相傳於趙而公以翰林蒞袁接武昌黎躬行表率獎導多方實為後學斗山宜諸生爭自濯磨不讓韓門弟子也夫文以載道而言為心聲故惟仁

學校書院

宜春縣志

卷四

六

義之人其言藹如非三代之書不敢觀非聖人之志不敢存然後文醇而氣盛袁士素守昌黎遺教今又得公振起之其課藝之精者自可梓以行世以昭 文治之光起漸固陋承乏宜陽得觀人文之盛深幸昌黎再見於今多士親承指示庶幾有猷有為有守而四民亦日進於善良一道同風之治已於一郡見之矣爰拜手而誌慶云

附林其宴諭昌黎書院諸生書 調任南昌太守林敬開

恙不佞家世儒生起家郎署以筆硯作生涯愛讀書如性命一麾出守未敢云此事便廢竊念民風之醇由於士習士習之端由於教化舍守土何責焉自下車之始即以觀風親定甲乙繼長生童中之尤者升之書院使其時術將俾爾諸生由文章六藝以漸進於道德性命之域而爾諸生亦不自鄙夷輒以不佞為識途老馬每有辨論能解匡顧乃懷印己將再期留府僅餘五月弗獲與諸生賞奇析疑晨夕與共舊冬在省寓解公餘念我子衿輒復邇題考試就中文采頗有可觀竊意需之時日如王褒之治蜀常袞之開閩安見無何武歐陽詹

其人羣然蔚起况今日吾袁人士固大過當日之蜀與
聞哉今不佞行將去此矣鏃基初備筆畚耒興爽塏方
擇棟樑有待暨茨樸斲不能無望於後人而爾諸生誠
望東脩自愛古處共敦守身如處子不羣非類之朋尚
友有古人結契千秋以上勿習刀筆之文勿與骨肉之
訟事非切已萬勿旬旬公庭語干天和萬勿許人帷薄
此皆不佞區區無已之心不能忘情於去後者也爾諸
生能共遵吾語其所以自待者如不佞在袁之日則不
佞雖身羈章水而魂夢猶繞袁山爾諸生今日既為悝
悝循良之君子異日即為蒼生霖雨之祥人不佞將與
有榮施焉爾諸生其共勗之

附江為龍重修韓文公祠碑 唐昌黎韓文公元和十五

三年太守祠公無擇祠而祀之嗣後遷焉尋復其舊嘉
定間太守著作部郎鄭侯自誠始新之宗正少卿滕強恕
續成之歲久傾圯康熙四十年宜春合某來蒞茲土
瞻拜祠下恐不修葺廢無以表先賢而式來學令之責
也起而議修之倡言於眾曰古今所恃以為政者惟道
與法相維於承久而已道為立法之本法為行道之方

宜春縣志 卷四 七

上有傳道立法之人則下為守道奉法之世風俗人心
所由日臻於淳古也自堯舜至孟子二千年間道統相
傳源流可考孟子以後千餘年異端起而道始晦而法
亦弛韓公出而任之於後千餘年異端起而道始晦而法
詳而慈惠蓋繼孟子以企斯道之傳於治法為有光自
天子以至庶人所以專神使民修紀建極一道德同
風俗舉莫外焉一人統之可以化於千萬人一時措之
可以通於千百世其窮達顯晦險夷順逆之數終身以
之或德與命符控與遇垂設施運量動靜攸宜豈偶然
哉當其窮也約六經之旨闢道德仁義之源則入代之
衰可起也及其達也顯之尊國體彰君威慮中機宜策
陽山之政可懷也顯之尊國體彰君威慮中機宜策
闢外故韓洪可說承宗可取蔡州之師可平也晦之嚴
正氣屏邪說忠貞格天至誠動物則佛骨可諫鱷魚可
驅也履險則嚴辭以攝強暴忘身以籌國難鎮州可入
庭奏可服也處順則澤及於窮荒風行於下邑讒忌可
消頌梗可化也此公生平之大節出乎身為政之地也
昔道立法而端至治之本者如此袁固公為政之地也
昔袁之俗男女為人隸者踰約則沒不得出公皆計備
與直而出之尋奏聞著於台此為政之大百世有庇于

袁孝也鳥可以不禍今郡伯欣慕文公思為傳道立法
之人較祖鄭諸公創始績成規模更大今惟故及前驅
罔敢怠事云爾敬銘而勒諸石大道昭明卓乎天地聖
賢開之治法攸寄厥有精微匪關功利孔孟既遠道統
將窮以身任之惟我韓公窮達不變異端必攻障彼狂
瀾百川始東道伸時屈履危蹈險正氣孤行鋒銳難斂
利虎咆哮風雷怒閃化行其地海溢山陬民安吏飭惟
此袁州庚桑畏壘江山勝遊高祠崇祀俎豆千秋我瞻
道法舍
此焉求

附胡應麟重修昌黎書院落成得長句

吁嗟乎袁城斗大
踞江介山迴嶺複

水如帶市冷惟聞晴雨鳩官閑日償詩酒債笑予落拓
縮銀章仰止昌黎夫子不可望舊政載人心崇祀成爲
常祠自宋代祖公建贊西數楹陵谷變有明重道業負
新移搆直春臺左峙呼嗟乎人生死不死文章功業耳
夫子文起八代衰其功直與孟氏比似此明裡世道關
千古巋然自不刊豈同民諫長吏創一祠官在崇之官
去刪我來兵燹餘堂庶無扁腐茂草等腰長一主莓苔
厚力爲鳩工不少停滂漉者新破缺增虔率諸生遞展
學校書院

宜春縣志

卷四

拜備陳俎豆告厥成因拔贊俊爲師長肅將烝嘗開迷
罔公餘考業時登堂書聲喜應四山響勉矣休爲月露
篇各守昌黎夫子之一編不見當年黃與易能遵文教
名高懸又不見廬陵歐陽公得韓三昧名後先吁嗟乎
人苟自立寸陰惜私淑何嘗異親炙
我願多士薰瓣香莫道風微斗山隔

附楊嘉材重建昌黎書院詩

一道卿雲上九天於今俎
豆已千年青山重藉高人

席綠水環深勝地前幸闡斗山重待後欣瞻輪
奐已承先自慚作賦無知識敢望朝端步昔賢

附張浩昌黎書院詩

隱隱遙峰列翠屏崢嶸廟貌望中
停樓臺高下春風暖木葉踈濃古

院青諫草當年榮入夢文章此日勒爲
經試看俎豆千秋永疑有星雲護石銘

附袁克舜昌黎書院詩

憑虛臺下文公祠一路蜿蜒肇
此基託佛有章崇正學馴魚無

暴絕神奇幾年桃李能成徑滿院菁莪自
得師遠望高山勤仰止起衰端賴應昌時

附袁振鐸昌黎書院懷古詩

何時作廟枕春城齊說昌
黎教化宏天爲薪傳留正

學人因皇甫識先生千三祖豆終難桃八代文章孰與爭今日登堂勤仰止溶溶桃李盡含英

附袁起濤主昌黎書院志感詩來松亦偉哉漫說登高能作賦那堪虛左獨隣才西窓剪燭青氈冷東閣

延英白社開得傍斗山承教澤未知何日道南來

附翁方綱題壁示學官弟子用舊題潮州韓山韻二首

廿載題詩粵嶺東袁山仰止此心同黨庠試與陳經訓

尉律先教課學童泰伯一碑猶感源臨川三禮待旁通

宜春臺下低徊意已過崇桃上已風西江旬日穢澄瀾為學津梁漸有端忠孝即從談藝起師儒莫作具文

看雨餘蠶月農功卜青動芹池士氣歡忝荷衡才彌愧甚步趨處處得瞻韓

附陶連步學使翁題壁原韻古木叢祠秀浦東叨陪使路高詠春臺六七童仕宦他鄉隨處合文章異代感能

通懸知鼓鑄羣倫意不獨黃盧被惠風百川未許倒狂瀾豪氣雄詞見筆端自有李鄴高弟在不將賈島布衣看助囊海賦兼江賦入座新歡接舊歡幾度春風桃

宜春縣志

卷四

九

李下樓連山

館得師韓

附學租原額荒熟田一十二頃三畝五分八釐六毫乾

隆十五年署府事黃增厯奉憲清查撥經歷李芝芳照

磨周兆泰丈過荒熟田土塘基地一頃六畝五分九釐

四毫較原額增田一畝八分四釐八毫基地一畝一分

六釐均係各鄉佃民毫釐積成免其升科十六年知府

楊暹詳請應徵額租一千二百二十六石五斗六升四

合四勺每百折銀五錢外土租銀一兩六錢六分八釐

三毫共折銀六百九十四兩九錢四分七毫五絲除納糧

外實在餘銀四百九十九兩九錢五分零嘉慶十一年

奉署藩憲檄飭增租穀價於每石增徵銀一錢五分今

每石合徵銀六錢五分除完納錢糧共米實在餘銀六

百八十一兩六錢八分三釐四毫一絲五忽詳奉督撫

二憲批准在案其院長不論本府外郡俱由府憲延聘

每年四縣於開印後造冊送府考取正課定額生監二

十名童生二十名每名每月給膏火銀九錢如於額外

廣取正課是在富事作養附課生童無定額每月給膏

火銀九分按月考課三次分別獎賞超等上卷第一名

給銀三錢餘二錢院長每年末修銀一百八十兩每年

薪米銀四十兩監院在城府縣學輪當每年薪米銀四十二兩門役一名水火夫二名每年給銀六兩學書每月紙筆銀三錢修葺書院添置器用之需均於租銀取給每年造册申藩府二憲存案除核銷正額之外倘有不敷四縣公攤捐墊載前志

宜陽書院在府城南朝真坊行宮寺左康熙五十年知縣

江為龍捐建中祀宋周程張朱五夫子置買田租三百

四十桶劉長發記

附劉長發記

稽古大道之行由於明教化教化明而後禮讓興而後士無佚行民無奇衰

其時國有學黨有庠家有塾明先王之道以成比戶可封之俗彬彬乎人材蔚起化理日隆治之盛也有不自

聖

天子崇儒重道同文化洽內則輔弼大臣外則州邑親民之官導揚德意宣布風猷故一時文治較前代而過之邑侯江公以桐山名宿出宰吾宜越數年政平訟理

學校 書院

宜春縣志

卷四

十一

事息人安寬仁恭敬之實孚於閭閻神明惠愛之風傳於鄰壤蓋德意之綿亘與袁山為高秀水為深者也下車以來興廢舉墜善政未易殫述獨其振興文教愛養士子尤加意措注焉邑舊無義學寒畯之英僻處一隅業無耑師公時思規畫初構舍於城東多方修葺業已四方雲集遠近畢至宜之父老子弟無不喜動顏色傳為盛事顧猶以為湫隘囂塵復于城南行宮寺之左相其地脉枕春臺面仰峰雲山秀麗水木清華公曰可矣時有民屋出鷲者遂易之爰庀材鳩工百堵皆作頽者興徹者易狹者闢皆舍其舊而新是謀公退之餘日必親至周視焉不逾月而告成堂庭門廡聲如翼如又慮供膳無資置民田若干畝地名十里山以其近郭而便經理也增置廬舍募佃耕種即以歲入之租為生徒餼廩悉捐清俸不費民間一絲一粟焉于是講習有堂寢息有室庖舍漏浴有具授祭改衣有給俾士得一意講習于其中然是舉也豈徒獵取科名之是為惟是成人有德小子有造修身勵行則內聖外王之是為惟是成人古則異端曲學之必嚴窮善一身達善天下此物此志爾則侯之建學立教聯以師儒所以勤者不已兼舉而無遺朝廷造士之意祇承當道作人之勤者不已兼舉而無遺

憾也哉將見人文麟炳忠孝與節義並著處擅鴻達之
空出樹鳳樹之祥佐
國家一道同風之治萬世無疆之休于彌永也而侯之道
德文章久為名公推重其為吾邑人士師表者豈淺鮮
哉落成而命發為之記發不敢以不文辭
謹書其畧勒諸珉石以垂二公德於不朽

五十九年知縣莊令翼續置田租二百九十三桶除納
糧四兩六錢九分八釐米三斗六升外僅足供院長束
修膏火及火夫薪水銀兩之資道光二年知縣程國觀
捐廉助諸生膏火獎賞並倡率合邑紳士捐助田租額
定生童正附課名數設立條規章程詳報撫憲立案又
以其地狹隘即西城三官殿基改為書院前後兩棟後
祠五賢前為講堂又添建左右書舍共二十間監生蕭

宜春縣志

卷四

學校 書院

十一

榮詔等監修并列頭門二門前後舊土計十餘片原書
院屋基改為三官殿

附陳會冕膏火田記

書院有田原以造就人材藉非賢
有司倡之於上而好義者應之於

下事或缺焉宜邑舊有社學康熙五十年邑侯江公為
龍改為宜陽書院並置田租三百四十桶五十九年邑
侯莊公令翼續置田二百九十二桶除牛租外歲入租
五百七十九桶僅供山長束修及火夫薪水納糧等費
未立諸生膏火且器用未備月課常虛邑侯陳公下車
伊始即有志於培養多士觀書院之廢弛欲有以振作
而擴充之治任三載歲有考月有課捐清俸以為獎勸
資可不謂賢歟邑庠生易君緝軒暨監生在煥在煇
等感侯侯作育之澤各遵先人遺囑共捐田租四百八十
六桶增益宜陽書院膏火俟乃給匾額以榮之豈非百
餘年之盛事歟緝軒積學立品課後人以經術一門簪
纓鼎盛其季子經邦姪蘭墀姪孫開元等俱為余門下
士作善降祥厥有明驗易氏玉樹芝蘭科名為奕固矣
今之肄業於斯者既稟有資切磋有藉於以仰副

聖天子作人雅化則亦賢侯飲食教誨之至意也豈不懿哉爰不揣謏陋而為之記

附黃河清示宜陽諸生書

聞諸君將刻卓菴氏心書甚善然刻書與時文不同刻此

書又與他書不同蓋既曰心書當如程子作字甚敬之意精楷畫而嚴校讐然後投諸善手使覽者開卷怡然悅肅然敬始於是書為稱若鈔本之用俗字破體字或正文而雙行夾注或密排疊寫皆為書之病而於是書則尤病俗字破體字曾不能省一二筆夾注疊寫曾不能省一二紙徒使閱者憤惋大息以為刻壞此書則何如稍加之意而使人敬且悅耶鈔本內引六經語孟其次行皆誤低一字此不可不致正誠欲雕成善本以益廣此書之傳使學者皆知所用力而不病於空寂支離以失其心而害乎道事關重大未宜造次故於繕寫畧疏鄙見諸君或不以予言為迂濶乎

高士書院在北門城外縣學右詳祠廟

南軒書院在府城東湖上本南軒祠宋端平中州守彭方

宜春縣志

卷四

學校 書院

三

建元至元間路總管張熙祖重建集賢院學士虞集記

久毀

張巖書院在城北獲富與萬載交界元邑人張千崖立有

禮殿以祀先聖有祠以奉周程張邵司馬六先生張沒

其甥萍鄉榮氏率族子弟就學焉虞集記久廢

附虞集重修張巖書院記

張巖書院者臨江教授千崖張君作也千崖沒子孫遠仕

京師弗遑於茲而其甥榮岳孫請諸舅氏捐貲鳩工繕治不數月而成來求文以記之夫南山張氏之亭館甚多而岳孫獨先事於書院觀其志之所存可謂知本者矣宜春在江右之上遊其風土淳厚其人易與為善西瞻衡岳則岳麓書院在焉東望廬阜則白鹿洞在焉此昔賢之所經營皆依乎名山大川者也今巖學得山水之秀故可托以久長者乎今天下好事者築室買田以資講習然一列於學官則行有司之事而絃誦籩豆殆

爲文具者多矣獨巖學達於城闕之喧囂邈乎公府之
拘制饋餉時至無乏絕之慮人跡在邇無岑寥之苦息
焉游焉無所事乎其外及其間暇可以登山眺遠而發
揮其詠歌環千里而觀之爲學之善地未有過於是者
雖然樂順適則志易墮乏磨礪則德每孤前輩寥落師
友道廢遺言之微孰究孰擴趨時尙者竊緒餘以釣利祿
務高遠者假近似以立名聲疏鹵自欺之風有不可勝
言者宜春文物之邦深山茂林豈無學古之士經明行
修足爲師表者張巖之人其力致之也乎苟賢者之未
易致也則岳麓白鹿洞晦菴朱子南軒張子之成規緒
論在焉宜取而表之相與尊信而從祀焉可也尊信則
不搖於異議從祀則馴致於成功異日衣冠之盛彬彬
然自巖學而出則張氏榮氏之名顯
著於天下豈直山水光華而已哉

秀江書院在府城西明嘉靖間籍巖氏產入官撫按允府
議改爲書院課士卽五賢祠久廢

王公書院在府城東門外明侍御王相說建姜曰廣記今

宜春縣志

卷四

學校 書院

十三

廢

附姜曰廣王公書院記

崇正十年夏四月宜邑袁臨侯
視學三晉以書併袁士民狀來

請予記王公書院爲予言公初筮仕蓋袁李官也富經
術政成召入爲侍御旣去袁袁士民相率建祠祠公公
聞而恥之檄袁士民曰生祠豈非今魏璠所以侈身亦
族者哉毀諸袁士民聚族謀曰生祠非古也祠懼失公
意弗祠則闕念公先是出榜曰王公書院可感諸生時偕
理學書院理學所自出榜曰王公書院可感諸生時偕
回學某爲公門下士知公稔不忍以公去忘尸視請次
其事鑿諸石于攷江國書院白鹿鷺湖特著他郡邑雖
設書院教道頗失實袁故書院列郡乘者昌黎張巖昌
文外獨宗濂至今傳按沿革錄宋康定中周濂溪攝蘆
鎮立書院鎮西教授及門後人卽其地建祠又於邑治
南立濂溪書院並祀焉學者稱之舍是無稱書院者後
數百餘年袁復稱王公書院云夫公之不樂袁有祠豈
惟恥與璠比名勝實非公志也理學其在斯與往予居
里門聞袁士民誦公無間言或告予曰公廉介不苟取
正身抗行惟孔孟是師嘗戒及門曰龍無欲者莫制不

則人臨之士焉可以欲自臨哉又嘗曰士學寡要不適
用雖蒐綴古汲冢羽陵工文辭何益哉又曰公無細巨
必謹始通籍來袁能其官華華詢民疾苦訟牒旁午至
罕留滯民以故不寬少間進諸博士弟子員上下古昔
誘之以忠孝厲之以風義酬唱講評衍衍如也其者為
諸生投麟經被服儒素數抵張生塾不稍劬顧獨峭直
少喜可嚴格律人請謁莫敢干以私迨其去袁也厄厄
七箸兀袁有者委諸袁橐無長物數卷圖書而已况公
強仕方出為時用一日自為預擬歸隱圖公自書圖後
云讀書學陶淵明不求甚解飲酒似邵康節最喜微醺
思韻頽元亮康節間未幾果以名御史予告歸社門掃
軌覃精論述四方贊其門者公做湖學課之嚮服日以
衆公後先束身蒞官愛民造士類如此子絲是知公服
膺理學非一日蓋所得於濂溪者為多而袁士民今日
之以書院祠公視昔祀濂溪相差埒盛哉雖公去袁弗
獲朝夕親炙袁士民食公之德佩公之教登斯堂也若
或見公焉相與講磨漸漬重廉恥敬禮義蒸蒸未艾也
公所貽于袁何如哉或曰書院與時信訥幸不幸存焉
當熹廟時攘排正學毀書院瑞祠遍天下賴今天子撥
亂反正正學復大明於世公書院得歸然存謂非幸哉

宜春縣志

卷四

古

子曰若公者徒以書院廢興重輕乎哉書院不能無廢
興公所繇有是書院在袁士民之心者雖百世不祧可
也語未竟張子爾公適謁予予具以臨侯言台張子張
子曰今天下郊壘辱忠孝蕩然盡書院非獨祠公公教
澤是繫推公學以教來世匪私也不可以無記遂記以
歸之書院經始於某年月日落成於某年月日公名相
說字懋弼號鞠劬直隸泰州人登天啟壬戌進士諸始
終是役者例得書書於碑陰

曲池書院在善和鄉橫塘明郡廩生袁經訓建後圯嘉靖

九年其裔孫芳臻等遷建規模軒敞視昔有加南顧道

廖寅題額

六柳書院在橫塘明袁魯訓及繼咸芳松讀書處

附辛炳喬銘

何所有贖六柳六柳後誰弗朽忠毅出并
山斗子能孝光世守數百禩瓣香从堂歸

然新戶牖其人在左或右後來秀肅尚友淡榮利恥汚
垢蛟龍躍狡獍吼俾來者知某某室則邇人遠否香雪

飛宜
詩酒

夢莘書院在化南鄉泉塘貢生易嗣重建後毀嘉慶丁丑
其族絃聲後裔復興之

文昌書院在薦裏鄉魚龍

文鼎書院在薦裏鄉中溪乾隆甲寅彭程喬子孫捐建中

祀 文昌帝君

重桂義塾在化北鄉槎村嘉慶八年易姓捐建

玉山書院在石裡鄉距慈化市
許同治八年建

六一家塾在石外鄉塘霞歐陽氏衆
建置田畝為延師課讀賞

青藜家塾在修仁鄉上中坡同治六年劉家
坊劉姓建捐置田畝為課讀賞

宜春縣志

卷四

五

南屏家塾在薦裏鄉環
溪張姓建

社學

培陽社學舊址在東隅宜陽坊原屋計前後二棟兩廊前

至官街後至易家園土左至李姓基右至傅姓基因兵

學毀基存今營弁蔡姓未具賃狀監屋基上

萍實社學舊址在西外廂一箇原屋計前後二棟兩廊前

至官街後至王姓園土併路左至大路右至謝袁二姓

基因兵學毀基存

仰韓社學舊址在南隅朝真坊原屋基一棟前至官街後

至周蕭二姓園土左至蕭姓基右至周姓園因兵學毀

基存

挹秀社學舊址在北外廂一箇下水關原屋計前後二棟兩廊前至官街後至楊姓基左至楊九皋屋右至官巷因兵學毀居民楊濟我未具賃狀暨屋基上載前志

附宜陽書院章程田祖

一舉本邑殷實紳士二人爲首事輪年分管收支銀兩之事另派本邑廩生二人同管發給膏火及書院一切事宜立收支銀簿二本蓋以縣印輪交經管首事註明支銷數日次年又派廩生一名協同舊辦廩生一人接管以後一新一舊交代管理各按該生補廩先後輪派年

宜春縣志

卷四

學校 書院

又五

終課畢交禮房造具清冊送縣核銷

一書院老師須請本邑進士舉人品學兼優者聽從十三鄉四隅紳士按照科分公議稟縣出名聘請不由官薦並不得聘請他邑人士以致往返間斷有名無實

一書院老師合邑公請務在院居住以便講習督率若不能在院居住者十三鄉四隅首事公議請換束修按月扣送

一監院老師輪請本學兩齋常到書院查察約束肄業生童

一每年正月由縣甄試分別取錄生監正課十六名童生

正課二十名附課不定額數

一 生童正課每名月給膏火銀一兩二錢附課不給膏火
正課生童均須在院居住不住院者膏火減半每年不
計閏總以十個月爲率每過一月由禮房將應發膏火
獎賞數目開單交管事廩生向首事領銀當面發給如
有曠課及降罰者照數扣除

一 生監超等第一名童生上卷第一名各獎賞銀三錢以
下各二錢超等上卷不得過五名生監特等各獎賞銀
一錢特等不得過八名

一 書院房屋先儘正課居住有餘者仍准附課居住每間

宜春縣志

卷四

學校 書院

六

大者二人小者一人各給半棹一張椅一把不敷者自
備未取錄者不准住院並不准攜帶蒙童以致作蹋房
屋

一 生童回家除五月初二八月十六兩日停課仍給膏火
外其餘告假歸家每曠一課仍扣膏火六錢三課不到
者降爲副課三次下等者亦降爲副課卽以連考三次
優等者陞補以等第名次挨補如無其人卽以連考二
次一等一次二等者升補再無其人以連考二次二等
一次一等者升補錄舊雷同不在院作文及次日交
卷者不列榜初次不列榜罰停本課膏火銀六錢再次

不列榜降作附課仍罰本課膏火冒名頂替者逐出不
孝不弟包攬詞訟酗酒打降賭博宿娼抗糧等情凡有
乖行止者逐出究治

一每月初二日官課本縣親詣書院點名局門發題堂課
生童皆給點心茶水本縣捐資給辦每月十六日老師
堂課一例局試

一生童每月二課外初六十二二十二二十六等日仍聽
掌院老師出題或制義或策論詩賦經解為私課不必
出榜

一朔望諸生童隨同老師詣五賢祠行香畢諸生向老

宜春縣志

卷四

學校 書院

七

師稟揖隨時聽講

一書院墻屋器具遇有損壞該管廩生請同首事估看發
銀修補所有物件造冊二本蓋用縣印一交監院存查
一交管事着門子時時查點有失去者着門子賠補生
童自壞者生童自修

一書院係三官殿改建今以宜陽舊院改為三官殿仍移
請神像佛像供內并招還舊住三官殿僧人住持每
年由書院撥給香燈飯食銀二十四兩交該僧人伺奉
香燈

一每年二月初一日啟館本縣親詣書院五賢祠祭祀後

行啟館禮設酒席四筵除經管首事及捐田人子弟家各一人外正課生童前五名亦准與席

一支銷數目定規開列簿頭該廩生照數支銷扣曠一併存記

一撫憲 程月川中丞頒發教士告示繕刻恭懸講堂俾諸生隨時誦讀共相勸導

一現在膏火額數以經費不足只定正課三十六名將來經費寬餘儘可加增

一現在十三鄉四隅通行捐輸所有甄試考取正課仍按各鄉人數均派取錄以昭公允

宜春縣志

卷四

學校 書院

六

一生童正課在院居住倘有事故出外者稟明監院限定日期無事不得出外俾得潛心純養如違聽監院戒飭不聽者扣除另將應升之人升補

一書院爲肄業之地理宜肅靜如有游手閒蕩之人及賣貨者擅入該門子立即攔阻有不遵者稟監院送縣責

懲

一書院設立門子以司啟閉准以二炮爲率卽將院門封鎖將鎖鑰繳呈院長處俟次日清晨領出倘有不遵卽將門子責革另派

一捐輸書院田畝銀數姓氏逐一開列刻石壁立西廊以

彰善舉

各鄉輸銀均目交書院首事收入號簿仍給與書院圖
記收票存查核對

支銷銀數

一每年掌教束修銀八十兩 蔬米銀四十兩 聘金銀
肆兩

一每年監院輿馬銀貳拾兩

一每年管事廩生銀每名拾貳兩二名共貳拾肆兩

一考取肄業生童正課三十六名每月每名給膏火銀一
兩二錢每月需支銀四十三兩二錢十個月應支銀四

宜春縣志

卷四

學校 書院

七

百三十二兩附課不支

一 生童一月兩課超等每取五名上卷五名生監超等第
一名三錢餘二錢上卷第一名三錢餘二錢生監特等
八名每名一錢每課共獎賞銀三兩一月兩課共銀六
兩十個月六十兩

一 書斗紙筆銀拾兩

一 門子工食銀每月五錢一年共六兩

一 爨夫二名每名每月三錢共銀七兩二錢

一 開館酒席銀五兩

一 院內五賢祠祭祀香燈銀八兩

一支給新移三官殿香燈銀二十四兩

以上共支銷銀七百二十兩零二錢

康熙五十年知縣江為龍置買田租

十里山檀官帘早田四百八十把共二十四畝計二十
六坵東西俱至楊姓田南至路北至陳姓田為界塘
下邊田二百把共十畝計一十四坵東西北俱至晏姓
田南至陳姓山為界又坑塘一口小塘一口共三畝
七分 以上通共田塘三十七畝七分歲收額租三百
四十桶除牛租外實收三百一十桶庄屋一所後山一
障右至螞蝗塘左至本田為
界山鈔二畝收入南隅二畝

康熙五十九年知縣莊令冀續置田租

袁山背暨壇前田租墻下田五畝計四坵 蘆茅塘下
田二畝計十一坵 沙子江田二畝計九坵 土佃田
二畝計三坵 墻下田二畝計一坵 窰背帘口上田
一畝七分計一坵 窰騰上田一畝計二坵 窰背山

宜春縣志

卷四

學校 書院

三

窰內田一畝計一坵又一畝二分計一坵 白泥窰田
三分計二坵 窰背窰山脚下田一畝計一坵 又脚
上田八分計二坵 以上通共田二十畝歲收額
租二百九十三桶除牛租外實收二百六十九桶

道光二年遷喬鄉顯親里三畝例貢生周汝衡同姪監

生培鰲遵父附貢生嘉槐遺囑助捐田租

夏家坊小原田四十担 南十田一墩七担 山石坑
四十五担 狗梅坡二十五担 社山下十八担 泉
山下十二担 長坑十担 門首十担 確腦上五担 羊梅坑五
担 黃土坑十担 長坵十担 馬鞍嶺十担 獅形背十九
背十二担 牌樓下二担 已上共民田三十畝二百三十八
担 牌樓前一棟前至路後至滴水左至路右至彭姓住
屋牆 寫樓屋一棟內逢中前一併雙合門一邊住
至滴水左至出入大路右至夏姓屋牆所有進出路途
任從書院佃夫出入夏姓無得阻滯 寫樓下有牛欄
二只柵木俱全 又寫樓屋一棟內逢中直上后一半
前至書院屋后至滴水木左至出入大路右至夏姓屋牆

錢家坊 塘隄下早田二十把半二坵 榨坵早田十把一
 塘仔下早田四十五把五坵 社前早田五把一坵
 荷葉塘早田二十把一坵 社前早田三十把一坵
 門首塘與下早田五把一坵 門前早田十把一坵
 李塘早田十把一坵 對門五把二坵 錢家門首早
 田十五把一坵 李子塘放水蔭注
 已上民田十畝五分一坵 一百九十七把半
 佈上柵門前四分一坵 公墓嶺三分一坵
 遲田五分四分一坵 佈上早田三分一坵 小坵早田一
 分一坵 小坵口早田一畝三分四分一坵 新塘下土一
 畝一大塊 又二分一坵 水埠口土三分一坵
 塘下土三分一坵 九分花土田二畝二分一坵
 以上民田二畝九分 以上三處共田四十五畝六分計租七百一十桶半外
 土租錢一千文

道光二年詔仁鄉茂才里監生張雲衢同姪涵琴遵父
 職員學義遺囑助捐田租

宜春縣志

卷四

學校 書院

三

南壩里上港早田一畝八分四坵 上下塘蔭注 中港
 早田二畝三分零五釐四坵 禮辰塘蔭注 坵下早田
 五分一坵 禮辰塘亞塘蔭注 泉出口早田七分一畝五分四
 坵 禮辰眾塘亞塘蔭注 樹塘蔭注 坵樟樹
 塘蔭注 上邊早田九分二坵 樹塘蔭注 坵樟樹
 早田一畝二坵 社下門前早田二畝五分三坵 大塘
 蔭注 大塘口下早田一畝五分二坵 桐樹塘蔭注 坵大塘蔭注
 大塘根上早田一畝五分一坵 坵塘管一半 深坵立早田一畝一
 早田四分一坵 柏樹下早田一畝五分一坵 佈里下
 坵破水蔭注 大土腦頭土一畝三連一坵 石嘴頭早
 田一畝五分一坵 確立早田二畝二坵 筒車水蔭注
 官園門前港早田一畝二分一坵 庵背早田八分一
 坵 官園裏河下港早田一畝三坵
 歷來車黃家塘水蔭注 無阻 官園裏河下港早田一
 畝二分一坵 筒車水蔭注 官園裏河下港早田一
 畝二分一坵 彭家屋背早田一畝七分一坵 彭家塘水蔭
 注 張家勸門首塘四分一坵 猴兒馮早田一畝二坵 又
 早田二畝五坵 官塘下早田五分一坵 中港早田
 八分一坵 禮辰塘蔭注 以上共田三十五畝三分塘

四分土一塊實收
租穀六百零二桶

道光三年化北鄉興西一畝色庠生易煥謨遵父樹衮

遺囑捐助己名下田租

牛路上早田三十把係上一坵
 一坵新塘填下早田十五把一坵
 二五五把一坵林家門首早田一坵
 小坑早田二十五把一坵樟樹下早田二十把係上一坵
 雷公廟前早田二十把一坵上下二坵
 田三十把上下二坵一坵小坑口早田二十把
 家勸下遲田二十五把一坵易家勸下遲田二十把
 坵容立下遲田二十五把連二坵
 大小遠五坵青管塘下遲田十把
 以上田十五處俱青管塘水蔭注
 把十一坵水埠口早田三十把一坵
 四十把一坵水埠口早田三十把一坵
 松樹窩土塘二十把內管一坵
 注他人不得放注青管塘五十把
 學校書院

宜春縣志

卷四

捐塘 以上民田十四畝二分土田三畝塘一畝共額租二百五十八桶

道光三年化北鄉興西一畝監生易在恢在愷遵父邑

庠生煥謙遺囑助捐田租

林家門首早田三十把一坵
 一坵林家門首早田十五把二坵
 五把一坵牛路上早田十五把一坵
 田上十五把一坵中江裏早田十五把一坵
 裏早田二十把併塘左右共五坵
 一坵小坑口早田十把四坵
 易家勸下遲田十五把一坵
 坵犁嘴角遲田三十把一坵
 把一坵下早田五把一坵
 一坵已上十七處之田俱係
 園裏早田二十把併塘二坵
 坵神潭裏早田十把一坵
 坵神潭裏早田十把一坵
 找半蔭注青管塘五十把一坵
 內管十把併捐

上民田十二畝四分土田二畝八分塘四分共額租二百二十八桶

道光四年石外鄉神西二畝監生李濟川捐助田租

趙家塘門首屋側梅子樹下併板坵早田五十五把計

二坵上至仁學從八婁二田下右至熊五田左至坵

第五第八坵水共二瓜蔭注斗贖窩早田八把計

入坵上至婁二時九笏一田下至歐十二學田右至坵

十叔八田左至山脚芋立窩遲田二十五把計五坵

上至應乾田彭姓土下至谷二歐十田右至山脚左至

婁二田歐十土宗和田早田六十把計一坵上右至

歐十田下至彭姓田左至大路彭炫坵早田四把

計一坵上至路下至河左至永宗田右至熊五田右至

埔坑遲田三十把計三坵上至婁二仁學田下右至

五田左至坵石頭窩遲田六十五把計十二坵上至

彭姓田下至婁二田左右至山脚俱係起水陂圳水蔭

注及坵下早田一百五十把計十坵上至李姓田下

左至梁李二姓田右至李姓山係新陂坑圳水蔭注

以上共田伍百零五把收額租二百一十五桶

宜春縣志

卷四

學校 書院

三

道光四年善和鄉名教員鄒孫氏同孫光華捐助田租

一處社前早田二十把計一坵一處臺上早田十五

把計一坵一處臺上早田五十把計一坵一處臺上早田

十把計一坵一處蔭塘尾早田七把計一坵一處

社背早田十把計一坵一處嶺上早田十把計一坵

一處土港水網下遲田十把計一坵一處嶺上早田

田十五把計一坵一處山背魚塘六十把計一坵

以上田塘二百零七把計十畝零

三分五厘共收額租一百二十桶

道光五年集雲鄉親仁耑職員施景桃同男舉人燦為

祖母丁氏捐助田租

馬王塘下田一畝八連坵下土一塊田坵下小田連

二坵搭坐向右边山下田連共二坵共計六分火梅

坵下田一坵連葫蘆坵田一坵共計一畝團坵田一

坵二分高坑上土一塊火梅坵上第一坵第三坵田三分

半邊宕田連共二坵搭橋頭小田一坵共計二畝

笋宕下田一坵三分大江邊河下田一坵四分

方坵田塍 上連二坵共計四畝二分 以一
共計十畝零八分共收額租一百六十二桶

道光十五年善和鄉袁朝儀捐分宜椽皮下塘田八百

把每歲收額租

百龍坑早田一畝一坵 增坑遲田三畝六坵 上岸
二畝四坵又五把一坵 下又畝半連三坵 鄒家嶺
下早田畝半一坵又一畝二坵 長石口二畝半二坵
杉樹塍下一畝二坵 謝家壇木橋邊遲田一畝一坵
木橋下二畝三坵被大水冲廢一坵 泉塘遲田畝半
一坵 社前早田二畝三坵 社背坑一畝三坵 羅
塘埔遲田二畝一坵 謝家坊一畝三坵 竹燒坑遲
田三畝半連八坵又早田二畝半二坵 港口早田一
畝一坵 羅塘埔一畝零五把二坵 羅塘埔上早田
四畝九坵 三家塘一畝四坵 三家塘背早田二畝
牛三坵 荷樹坑早田三畝半十四坵 大坑裏早田
十五把一坵又塘五把一坵 柘榨邊遲田五把一坵 石
橋下遲田十把一坵又沙排荒田一坵 鷺形裡畝半
連六坵 筲箕窩五把一坵 東坑十五把三連 羅

宜春縣志

卷四

學校 書院

三

塘埔一畝一坵 下塘 庄屋一所管左邊一半

善和鄉孫步程捐本鄉南村早田五畝零二分每年收

額租錢六千文

善和鄉袁良玉捐

道光十六年修仁鄉胡親睦堂捐東門外曹家嶺早田

二十畝零二分

賴家潭畝半一坵 老虎窩仔六分三坵 盧家門首
四畝四坵 上牙頭二畝二坵 錠子嶺一坵
橋背坪八分一坵 扎粉塍下一畝八分連一坵 馬
坊前畝半連塘三坵 何家坑六畝連四坵 曹家嶺
一坵五坵 又二坵

化南鄉夏瑞開捐壬化田八畝三分每年額租 桶

橫路下早田一畝二分一坵 竹立堯下早田一畝三分

一分一坵 下坵坑早田一畝五分三坵 天井裡早田

八分二坵 茶如上早田七分一坵 黃泥坵早田二

分一坵 渡頭門首早田三分一坵 審做下進田八

分二坵 石嶺背 每歲折租錢十千文

遲田五分一坵

集雲鄉黃以莊捐路口田一畝額租錢二千文

咸豐八年北外廂二首陳樹豐捐田一千零二十五把

計四十一畝大埭口瓦屋一所 猪欄牛欄晒坪厠屋菜

老屋場早田共六十把計五坵 園荒熟土俱全

二坵梅子樹下十五把一坵門首七十把三坵又秧田

十把一坵社前二十把一坵白梅樹下五把一坵杓里

坵三十五把一坵又十把一坵洲下里五十把二坵雙車

頭四十五把二坵坵下四十五把二坵坵上四十

把二坵籬刀坵三十把一坵茶籃坵九十把四坵百坵

宜春縣志

卷四

三

坵上七十五把三坵大土里四十五把五坵大土坵下

十把一坵柞樹下三十把二坵野豬塘十五把一坵屋

側二十把一坵以上陽姓承耕 年尾巴早田三十五

把二坵坵下十五把一坵台立上早田三十把二坵坵

下三十五把二坵洲下十把二坵蜈蚣形坵下二十把

一坵坵下十把一坵坵上長十把一坵坵下五把二坵

蜈蚣形坵上三十把四坵規墻下五十把二坵坵

車筒車水蔭注 俱係下車筒車雙

并各塘水蔭注

上村嶺遲田四畝二分又坵田一百一十二坵不計畝

分收額租二十八吊文

王陂樹下畝半三坵又半畝二坵 老鴛嘴畝半二坵

橫坑一畝二分 坵下十坵不計畝分 密前下四十

八坵山一障逢龍為界庄屋二所下又早遲田六十四

坵山一坵

狀元洲田一墩不計畝分屋一所碓一所收額錢三十

千文

石壁早遲田五畝半收額租錢七千文

石壁下坑遲田三畝四坵
早下灣早田二畝半一坵

土龍田七畝收額租錢十千文

土龍六畝三坵
庵背一畝二坵

廣惠

渥江田收額租錢三千五百文

洪塘田收額錢一千三百五十文

宜春縣志

卷四

學校

書院

三六

